

ARMĂNAMEA

REVISTA COMUNITĂȚII ARMĂNE DIN ROMÂNIA

NR. 4

DECEMBRIE 2006



Numtă armănească, Blatsa, 1951



Blatsa, 1938 – armănj la pănăyiru di Ayiu Pantelimona



Blatsa, statuia alu Yani Farmaki, erou 1821




Blatsa 1935



1945, Armănj di Blatsa, ti pănăyiru di Ayiu Pantelimona



Blatsa 1989 - CORLU MARI



Sărmănița



Armănj di Blatsa tu ashkeri sh tu polimu

Haristuseri multi alu COSTEL FARMAZON di la Sutsata Culturală Armănească, ti agiutorlu tsi ari dată, cătse scană tuti cărtsăli ti aestu numiru. Easti unu masturu multu pirifanu, itsi lucreadză adară cu miraki, căftats-lu ma s'avets ti andridzeari, ti aundzeari udadz, casî, ti ambupseari sh alti minuti lucrî!

DITU SUMARU:

Luiza Popescu,	
ADETSLI DI CĂRCIUNU	4
Miha Sima,	
ARĂDZ DI CĂRCIUNU	5
Adriana Docu,	
LIGUCEARLJI	6
Florentina Costea,	
RAPORTU DI BOLZANO	7
Andreea Popescu,	
DAUA ANDAMUSI CTArm	9
Mirela Goga,	
FICIURITSĂLJ ARMĂNJ DI CUSTANTS	10
Tanasi al Stamuli,	
TINIRAMEA	11
Pitu Dibriani, ARMĂNAMEA PI CALEA A	
MINORITĂTSLORU DITU EUROPĂ	12
Ramona Ianush,	
CARTI DI BRUGGE – BELGIA	14
Yloryi Vrana,	
AUTOBIOGRAFIE	15
Mariana Bara,	
CURSU DI LITIRATURĂ ARMĂNEASCĂ	16
PROTA PĂRISTISEARI DI MODĂ ARMĂNEASCĂ	18
Spiru Fuchi, POEZII	20
Iancu Perifan,	
ADUTSERI AMINTI DITU MAKIDUNII	21
UNĂ HĂBARI apiridusă di Yani Mantsu	23
Kira Mantsu,	
INTERVIU CU JEAN-LUC FAUCONNIER	24
Neagu Djuvara,	
COMUNICARE	26
Alexandru Gica,	
UNĂ CARTI STUR	28
Andon Kristo,	
CARTI DI ANDON POCI	30
Blaciottu,	
CĂRTSĂ NALI DI BLATSA	31
Maria Ianula,	
GHERGA	32
FINANTSARI. NOMU	33
FARA ARMĂNEASCĂ DITU ROMÂNII	34



Vini oara s-dishteaptă Armănamea

Ancljidemu un anu di mari harauă. Lucurlu ti armăname s-amintă ca di cană oară. Atsei tsi nă agudea nu ari-s'dzăcă vără oară că himu ună mână di oamnji ică fără minti, ică avem scupo ascumtu. L-ancljisimu gura!

Fara Armănească dit România misură ază ma nsus di 6.000 di membri. Niscăntsă din noi va-s dzăcă iara că himu ptsânji, niscăntsă va s-dzăcă „*nu-i gaile, va-s crishtemu, ghini că n-adnămu!*...” lo hui de-atsei tsi mutrescu ninti shi va-s dzăcu daima s-mutrimu iu earam cu un anu ma ninti shi iu himu tora. Ma yimnămu ninti easti ghini. Ashi lipseahiti s-azburăm shi pisti nica un anu. Cali di turnari nu-ari!

Tu 2006 Armănamea amintă! Yshimu tru miydani, nă shtii lumea! S-azburashti la Chivernisea României di Armânji, s-azburashti tu Evropa di Armânji. Niscăntsă nă tindu mână hărsits că armânjlii ascoasiră caplu, niscănts s-anfărmăcară. Sh-tsi cara! Ti zborlu armănescu sh-ti adetsli a noasti lipseashti s-avemu ună boatsi sânătoasă. Ună boatsi ti 6.000 di armânji. Cari shtii, di anu vahi va-s avemu ună boatsi ti 10.000 di armânji. Ma nu aestu easti tora gailu a nostu! De-alithea lipseashti s-nă adnămu ma multsă armânji de-adunu, ma numirlu a nostu tricu di praglu tsi lipsea să-l tritsemu ta s'nă bagă institutsiile a cratlui tu numiru. Di tora sh-ninti va s'giucăm altă turlui di jocu!

Dupu Marshul di Dzuua Natsională pit sucăchili naima mărli dit Bucureshti shi dupu tsi umplum Sala a Palatăljiiei, dupu Dzălili a Culturăljiiei Armăneshtsă di Constantsa avemu altă videală! Tut tu aestu chiro, pimsimu cārtsă pisti cārtsă tu României shi la institutsii dit Evropa. Agiumsime membri mplinji la FUEN (Federal Union of European Nationalities) shi di prumveară va-s himu mebri shi la YEN (Youth of European Nationalities). EBLUL (European Bureau for Lesser-Used Languages) va ta s'dishcljidă unu birou Bucureshti, di cara Fara Armănească fu la Congreslu EBLUL di Scotsia! Ti tuti aesti, avemu multu lucru. Nu va s'azburămu ti numirlu a armânjilor dit Fară, ama di oaminji cu shteari. Tora pot s-amintă ună carieră tu Evropa tiniri armânji, tu lucurlu armănescu. Te-atsea amu ună mari harauă că tinirljii s-adnară shi adrară Consiliul a Tinirlor Armânji! Lipsea s-yină arada cu noi năulu bārnu!

Ashi că io mutrescu ninti, cu mari nădii. Multi lucruri s-adrară ti prota oară, lipseashti s-li crishtemu! Ashi Armănamea va s-dishteaptă de-alithea shi nu mashi atsei dit României.

Stelian Damov

Adetsli di Cărciunu

Adetsili di Cărciun sh Anu Nou, la Fărshirots

Interviu cu Liza Popescu (Pitu, numa di feata),
77 di anji

Amintată 1929 Shunets, Durustor, Văryării

- *Maie, dzănj tsi fătseai tini ti Cărciun, când irai njică?*

- Ti Cărciunu, cântam colindi ama nu de-a noasti, mucăneshti, cum nă 'nvitsa la sculii.

- *De-a noasti shtii?*

- Nu-nj aduc aminti, dadili fătsea culats (**culindz** lă dzătseam) ditu aluatu. Ti feti irau ca niscănti pāpushi, cu mănji, cicioari, cap, ti ficii shutsăti sh- aisti ni li dădea când nidzeam pi la soii.

- *Fetili alăga cu culindzili?*

- La soii, goală. Ficiorii alăga ma multu. Nă dădea culindz, suracheti, nibilbe sh părădz.

- *Sh-tsi măcats ti Cărciunu?*

-Tăiam porcu, fătseam **culeu** (lucanits). Nu fătseam brad atuntsina, ti noi Cărciunu nu ira ti cadouri ca tora, noi nidzeam la băsearică Dzuuă di Cărciun nă cumnicam, d'apoia yineam acasă sh măcam **tayanjau** (cară di porc tsărnăsită), cuzunac, piti cu tărhană coapti cu chirchelu. Noi cilimeanjii stăteamu ninga papu, nă ' ngăldzam la focu sh-nă dzătsea prămithi.

- *Tsi prămith ts-aduts aminti?*

- Atsel cu feata di chihăie, sh alti, tsi le-am dzăsă când irai njică.

- *Cu tsi vă alăxeats? Aveats stranji castilea ti iara?*

- Cumcăra ! Noi njitsii purtamu jacheti nali di lănă , fustănj groasi pultiti, pāpodz di lănă, shamii, căciulă. Dadili purta shăguni laii, gunelă laii lucrată cu utrăii di ma multi buiei, pādyiau, fustănji di cadifeii roshă, verdi. Cai nă-aveamu ma ghini, avea dadili căti dau shăgunji. Moashili purta tut shăguni ama cu utrăii lăi.

- Cum ira iara aco tu Durustor?

- Fătsea arăcoari multă, munts di neau. Papu nă dzătsea, când irau tu Arbinisii ncărca sh nidzea tu Gărtsii, aco fătsea Cărciunu, că ira căldură, ta-s nu bagă zaireii ti prăvdz.

- Sh-di Anu Nou tsi fătseats?

- Ti Anu Nou, bărbatsii s-aduna, fătsea muabeti, cănta, giuca cărts, muierili fătsea măcări. Naima mult nă ciuduseam la pita cu parălu.

- Cum s-fatsi pita cu parălu?

- S-fatsi cu cară sh tărhană sh s-mparti tu ahăts codzări cats oaminji sânt 'n casă sh un codur ali casii. Noi iram 10 insh sh băgam 11 di codzări. Tu cati văr un codur băgam mandra di la oi, furca, cărutsea sh un pară. A cui i cădea mandra, anu tsi yinea nidzea cu oili, a cui i cădea furca ira cu caii, a cui i cădea cărutsea ira om cu cărutsea, sh a cui i cădea parălu, tsănea părădzii in casă. Iram sh-cai nu aflam tsiva, ama ira una harau ti atsel tsi afla parălu.

Luiza Popescu

Arădz di Cărciunu



TSALU MIHA al SIMA, cu numa di la pârîntsă Chiratsa al Ljepuru, easti ună tiniră di 80 di anj (âncîjishi tu Martsu).

Nu nj-arădu, maia a mea ari unu suflitu nica tiniru, u arisescu shicăili, shi ma s-u ântreghei di aushaticu, va tsă dzăcă că nitsi nu duchi cându tricură anjli.

Ăi căftai aseara s-ânj dzăcă tsi arădz avea armănjli Tdi Cărciunu shi, dupu tsi u lo pi telfoni ună cusurină tsi **“cama shi adutsi aminti, că fu vinită ma mari di Sărbii”**, ânj dzăsi că **“noi armănjli nu aveam ahănti arădz, cum s-adară tora”**.

Di Colindi bărbatsli tâljea porcul, di carni adra tsăgăridz, lucanits, pucé, carni tsăgărsită cu prashi, ma -dzătsi pirifana- cană nu s-părinta până dzuuă di Cărciunu. Tsi shi adutsi aminti cu mirachi easti că, anda eara njică, Durustor, prindu Cărciunu, dadă-sa adra cathi oară pită dultsi, shi curcubetă coaptă.

Prindu Colindi muljerlji frimta colindori (niscănti pânji njits, ca piscurili), shi fciorli ahurhea s-alăgă nica ditu hăryii, pi la vitsinji, năinti ta s'da soarli. Cându intra tu vără casă dzătsea : **”Bună dimneatsa, ti multsă anj, s-vă băneadză taifa, s-vă băneadză tutiputa”** shi dapoaia arca ună veargă mpadi, shidea pi ea shi dzătsea:

“cum shedu io pi veargă, ashi s-sheadă oaia pi njelu”.

Nicuchirlji lă dădea căti unu colindoru tsi-l

ăntsăpa pi un ciunăghitsu cu dau citii, unu pără, shi ndoauă poami.

Tutu di Colindi, arca gărnu tu spurna ditu vatră shi mutrea s-veadă cătă iu ansar gărănătsăli. Pistipsea că ma s-ansărea cătă Dată, va-lji fudze ghini a casăljei, tu Năulu An, ama cara s-ansărea cătă Ascăpitată va-i fudzea arău. Dapoaia arca căti unu gărnutsu ti cathi cilimeanu shi ma s-ansărea ayonjea gărănătslu, atselu eara livendu, ayliyuru, shi cara s-nu ansărea ici, eara haileazu.

Iarapoi di la Cărciunu până di Tafoti nu inshea noaptea nafoară shi nu dishcljidea usha că taha yinea caracandzalli. Shi apa tsi lă armănea di noaptea tu ghiumi nu u bea tahina că vrea s' eara pângănită di caracandzali.

Dapoaia, di Sum-Vasili, că a noshtsră ashi dzătsea ti Năulu Anlu, adra pită, tu cari băga un pără shi pisupră, cu lumăchitsi di cearniceanu, adra cutarlu a oiloru, casa, tută taifa shi tutiputa. Atselu la cari s-tihisea părălu va s-avea tihi tutu anlu.

Ahăntu adra atumtsea. Dapoaia, di cara viniră aua, ahurhiră s-ljea di la văryari, di la mucanj, di adra capră, ursă, bubushari...Anda u antribai di hări, di bradu, âi vini s-arădă, dzăsi **“ E ghini! ts-aflashi”**

Ti anlu aestu u cāndāsii: va nj-adară shi a njeia colindori. Ma s'avets mirachi shi s-vă aibă hari, ma s'vretsă sh voi, va s-pitritsets ficiuritsli la noi ti Colindi. Ma avets angătan: mashi tu hăryii, năinti s'da soarli.

Miha Sima

GLOSARU:

Dată	Est
Ascăpitată	Vest
Tafoti	Boboteaza

LIGUCEARLI

Cathi an ti 6 di Yinaru, dzuua anda s'pâtîdză Hristolu, Pâtigiunea ică Fotili (tu română Boboteaza), ficii fărshiots di Pipera alagă cu *Jula mina*, ma numa iasti di *Ligucearii*. Iasti ună adeti veaclji tsi s'chiari tu chiro, cu aistă adeti fărshiotsii vinără tu Români. Câtse dzăc *Jula mina*? câtse dzăc *liguceri*? nu pot ca s'spun, d'iu luară ună numă, d'iu luară alantă? nu shtii vără s'nj dzăcă.

Aistă adeti di iară, naima mushata, adună tută fumelja tsi ashteaptă cu sivdai s'yină ficii ta s'umplă uboru, s'cântă shi s'gioacă cum mash năshi shtiu.

Nu shteam tsi iasti cu aistă adeti. Nesh di ntribai aushi s'nj dzăcă d'iu shtim di aistă adeti, d'iu u lom? văr nu shtiu s'nj dzăcă.

Nuna a mea Luiza Popescu, cu'nă mushuteată ahoryea, nj dzăsi că ashe iasti di cand shtii nășă sh că vloară nu ntribară tsi iasti cu aistă adeti:

**-“U la feată, nu ntribam noi, ashe iasti di totăna,
cum s'antribam?!”**

Di când iasti nășă, aistă adeti nu u vâdzu dicăt la fărshiotsi di Pleasa, nu shtii ma u fac sh shopanji.

Adetea iasti că născănts ficii tsi s-aleg dit năshi, di tahina s'adună t'ună casă dit hoară iu s'alăxesc sh cathi un iasti altutsiva: un ficior iasti nveastă, alt yrambo, născăntsi sânt socrii, ligucearii, yiatru, furii etc. sânt ca t'ună piesă di teatru, s'adună vără 10-15 ficii, dupu tsi s'alăxesc, i shi bagă pi fatsă ună masă ta s'nu shtim tsi ficii alagă.

Dapoia năshi lja casă di casă iu cantă sh gioacă, tută fumeaia iasi nafoară la ushă di mutresc la ficii. Adetea iasti s'nu ti acatsă n cale. Ma ieshti ficior sh ti acatsă ti agudesc cu purteca ligucearii, ma ieshti feată ti fac cu cinushă. Căt cantă alantst ficii, furilji alagă tu ubor ca s'fură vără gâină etc.

Nashi totăna ia cătitsiva dit ubor. Nveasta dupu tsi s'bitiseshti de-a cātari, bashă mânia ali teti sh al lali dit atsea fumei, dit uboru iu intrară sh elj âlj da paradz.

Cânticu mushat tsi ul cantă iasti ashe:

**“aistă iasti adetea di la Dumizălu,
s'mishtets ânveasta, ânveasta cu yrambolu !
scoală o la tetă, scoală dit udălu
s'nji meshti ânveasta, ânveasta cu parălu !
aista-i *Jula mina*, *Jula mina* mari
s'păteadză Domnul, hilju tu Iordanu!”**

Ca pâlteari, nicukirlji di la casa iu viniră âlj mescu cu paradz sh gioclu fudzi ashi pănă tu ascăpitată. Cathi casă s'hărseshti di vinirea a loru.

Dupu tsi alăgară tuti casili, s'duc tu năpoi la fumeia iu s'alăxiră sh'ficii s'duc la ună harei, mashi elj goală.

Noi him hărăsitsă că nă viniră sh'aist an ligucearii, că nă cātară sh'nă giucară tu ubor sh'arāmanem pi minduiari cāt di mushat fu, sh'nă arădi budza sh suflitu că ficii fărshiots nu agrāshară aistă mushatā adeti.

Alantă dzuuă hoara avdi cai furăa ficii tsi nă adusiră harau tu ubor tu aistă dzuuă di sārăbătoari.

Mushuteata sh'misteru aishte adeti nu putem su'l dzătsem tu zboari, nu putem s'dzatsem tut, nu putem s'dzătsem tu zboari cum s'umpli suflitlu di mushuteatsă sh harauă.

Tragu nădii că aistă adeti s'nu chiară vloară sh tuti fumeili di arāmānj s'hărăsească t'ună dzuuă aistă adeti mushată.

Adriana DOCU

RAPORTU

- conferinta “Minoritățli – nomuri shi andrepturi” Bolzano, Italii, 26-27 di Sumedru 2006

Tu chirolu 26-27 di Sumedru, ună parei di tiniri di la Fara Armănească dit Români dusi la conferinta “Minoritățli – nomuri shi andrepturi”, nicukiri: regiunea autonomă Trentino – Alto Adige (Sud Tyrol), FUEN, GML (Grup dla mendranza ladina), MIDAS (Minorities Dailies Association), YEN, GfbV (Society for threatened peoples), EURAC (European Academy / Institut for Minority Rights) shi CONFEMILI.

Pareia di tiniri: Georgiana Ianush (tsi vini tu Italii ndreptu dit Ghirmăni, aclo iu nveatsă tora), Florentina Costea (di Moara Domnească), Valentin Pusnava (studentu, di Custantsa, tora nveatsa Bucureshti) shi Costin Cepi (studentu, di Bucureshti).

Tinirlji agiumsiră Bolzano tu 25 di Sumedru, iu dicseară s-andămusiră cu prezidentul FUEN – Romedi Arqint shi adusiră aminti musheatili dzăli dit Avgustu, di la Dzălili a Culturăljei Armănească di Custantsa.

Prota dzuuă, dishcljdearea a muabetsloru u adră Marta Stocker, membră a chivernisei di Trentino-Sud Tyrol shi vitse-presidentă FUEN. Zburară pi aradă: Luis Durnwalder shi Lorenzo Dellai (di la chivernisea dit Tyrolu di Not), Michl Ebner (membru tu Parlamentul European), Francie Molloy (di la Sinn Fein) shi Miren Azkarate (di la chivernisea Bască).

Tinirlji armănj s-andămusiră tu muabets ahoryea cu Michl Ebner, cari tu muabetsli di la conferintsă avea zburătă ti cum potu UE shi Consiliul ali Europi s-agiută limbili a minoritățloru. Ebner nu para shtea multi ti armănj, ama fu una bună furnji ta s-află ti cum suntu ei organizats tu Români shi cari easti catandisea tu Balcani.

Tu idyea dzuuă avu shi 3 workshop-uri sh-pareia di la Fara Armănească fu activă la atselu cu numa „Luarea parti a tinirloru tu organizatsii ti minorităț”; la aestă andamusi sã zbură multu ti tsi căljuri suntu naima bunili ti băgari pi lucru a tinirloru tu organizatsii, ti cum potu s-hibă elj ma ghini loats ti tamamu di atsei cama tricutsli. Videts ma-nghios ndoauă caduti di la aestă conferintsă:



Ti noi fu di simasii sh-andamusea cu prezidentul YEN- Aleksander Studen-Kirchner, cu cari zburămu ti tsi cărtsă voru pititseari di tinirlj armănj dit Români, cu scupolu ta s-intră ca membri tu aestă organizatsii europeană.

Alti adunări di simasii tu aesta dzuuă: cu secretarlu FUEN, andamusea cu Francie Molloy shi andamusea cu Frank de Boer (cu cari deadunu lomu apofasea s-ândridzemu proiecti comuni – elu ari borgea s'andreagă proiecti ti YEN).

Dupu prândzu, câtă seară, s-dishcljisi “păzarea a minoritățloru”, iu tinirlji armănj aspusiră cărtsă, CD-uri, caduri, pită di veardză adusă dit Români, stranji sh tăcăn armăneshstsă, părăstiseri pi laptop ti armănj (muzică sh-isturii). Mutrits ma-nghiosu ndoauă caduri:



Deftira dzuuă zbură ră pi arada: Florian Mussner (di la chivernisea di Tyrolu di Not, tsi ari angătanu cultura ladină), Meirion Prys Jones (director executiv di la cumăndusearea ti limba bască), Miquell Strubell (profesoru Univ. Berta di Catalunya), Marta Souto (di provincia Pontevedra – cultur), Tom Morig (profesoru di jurnalismu Univ di Helsinki, Sutiri Bletsa (armănu dit Gärtsii), Paul-Eerik Rummo (di la chivernisea di Estonia), Rudolf Sarkozi (di la rromi), Romedi Arquint (prezidentu FUEN). Tu aestă dzuuă tinirlji armănj shidzură muabeti cu Miquell Strubell, profesor di Catalunya, tsi tu textulu di la conferintsă adusi aminti sh armănjli, Johan Haggman (asistentu la Parlamentul European ti limbi minoritari shi regionali), Sutiri Bletsa (vinitu la conferintsă cu altsă doi tiniri armănj di Trikala). Dupu prândzu, tuts tinirlji di la conferintsă neasimu tu excursii ta s'videmu ladinjlji aclo iu băneadză elj, tu niscănti vâljiuri aproapea di Bolzano. Fumu sh-vizita la muzeulu a ladinjloru:



Sămbătă tahina, 28 di Sumedru, tinirlji di la Fară anchisiră câtă casă, dupu trei dzăli di uspetsu, mplini cu idei di simasii shi cu ma multă shteari ti ndrepturli a minorităștloru. Dimi avură niheamă chiro tu aestă dzuuă, putură shi s-veadă ndoauă locuri tu Italii:



Conferinta ditu Tyrolu di Not fu ună multu bună furnji ca tinirlji armănj s-duchească dealithea că “s-hii minoritaru iasti una oportunitati” sh-că ti lucurlu ghini adratu curbanea lipseashti adrată cathi dzuuă.

Florentina Costea

Daua andamusi ndreaptă di CTArm

8-10-li di Andreu. Tu isheta di stămană, tiniri armănj cu vreari shi cu mirachi ti armănami anchisiră câtă Poiana Pinului, locu aleptu ti daua andamusi andreapta di Consiliul a Tinirlor Armănj.

Dunjeaua ahurhi s-adjungă la Poiana Pinului câtă ti mirindi, ma niscănts di noi nchisiră amănatu shi adjumsiră aco tu njiadzănoapti.

Dupu tsină, vineri dicseara, fumu tinjisits di durutul GICU COADA. Căntitsili a lui neasiră la sufilitu a tinirlor tsi cantară shi djucara di-adunu cu năsu. Gimbushea nu-s arătsi că fu dusă ma-largu di pareia tinirescă PIRA.

Di-ahântă cântari shi djucari tsi-s featsi, sâmbătă di tahina, somnu fu multu dultsi shi, ti atsea, ngustarea u lomu câtă la oara 11.

Tută dzua di sâmbătă fu multu amplină cu muabets andreapti di Dipartamentlu di Comunicari Internă shi cu ună priimnari ti mirindi.

Niscănts cu mintea turburi di somnu, alts cu mintea cama limbită, acătsămu ună muabeti ti “Identitatea a armănjlor” tsi avu moderatru MIHA SIMA. Vidzumu tu aistă muabeti cai sântu di naima mari simasii teorii ti identitatea armănjlor shi d-apoea zburămu ti limba armănească shi ma s-hibă ea unu “Thimelju ti identitatea armănjlor”. Ti limbă, cu tuti că mults nu u shtea tamamu ghini, sã spusi că s-află tu dhoara părintslor armănj ti cilimeanlji-a loru. Cathi unu sh-ari ună furnjii ti cai nu ari nvitsată limba shi altă furnjii ca s'nu acatsă s-u nveatsă,

ma, pi ninga elji sântu shi tiniri cu mirachi cai caftă s-ănveatsă shi sã-zburască armăneashti.

Dupu aistă muabeti, niscănts neasira la “Vulcanii Noroiosi”, alts la “Muzeul Chihlimbarului” di la Colti, alts la una HERGHELII shi alts arămasira tu udadz di durnjiră shi-s discurmară.

Dupu priimnari prăndzămu cama amanatu shi avum niheamă adyi pănă la tsină.

Pi misalea di la tsină avumu, pi ninga măcari shi ună muabeti tsănută di Ruxandra Pandea tsi zbură ti colonizarea armănjlor tu Dobrogea. Ea apândăsi la tuti antribări li avură tinirlj armănj, shi-aisti nu fură ici putsăni. Aflămu cum viniră păpănlji a noci tu Rămăni, tsi-lj avină di iu fudziră shi tsi lj-apruche di Dobrogea.

D-apoea, năpoi măcari shi beari, cântari shi djucari pănă di hăryii.

Dumanică di tahina, după angustari, tiniri ditu Departamentu di Comunicari Internă ghivăsiră parmithul armănescu “Giucătorul di carts” tsi nă featsi pi tuts s-nă lishinămu di-arăsu.

Cu aistu părmithu nă luămu oara buna, featsimu un cadhuru di-adunu cu tsh tsi eramu vinits la andamusi sh-inchisimu câtă casili a noasti.

Andreea Popescu

Ficiuritsâlĵ armănj di Custantsa nu sh-agârshescu zârtsina



*Curslu di Cultură sh-Adets
Armăneshtsă*

T a s - p o t s s -
a z b u r ă s h t s ă t i l i m b a
armănească, lipseashti s-hii
Armăn shi s- ducheshtă
Armăneashti.

Ti aestu lucru, tu dzua di
adză nu-agiundzi mashi s-
azburăshstă-n casă cu taifa,

ma va shi s-pots s-u-anvets tu sculii!

Di aestă ispeti Fara Armănească dit România,
Fălcareă di Custantsa, lo apofasea ta s-andreagă cursuri
di limbă shi adets armăneshtsă la sculiili dit Judetslu
Custantsa.

Protili cursuri di predari shi anvitsari a limbâlĵei
a noastă armănească ahurhiră tu anlu 1996, facultativ, la
sculia nr.28 di Cunstantsa sh-la sculia dit hoara
M.Kogălniceanu.

Tu anlu 1999, Ministerlu a Ănvitsariei pitricu
ună adresă la Fara Armănească pit cari dădea andreptul
la anvitsarea limbâlĵei, adresă cu Numirlu 11970 dit
meslu Sumedru.

Dit anlu 2000 la Sculia 12 di Custantsa ahurhi
anvitsarea opsională a curslui di limbă armănească.
Totna aua fură ângrapsits pisti 80 di ficiurits.

Tu 20 - 24 Avgustu, 2006, la Casa Corpului
didactic, Custantsa, s-adră un cursu di abilitare
curriculară tru limba armănească, iu 30 di dăscălitsi di
Custantsa, Tulcea, Călărashi, Ilfov sh-Bucureshti luară
parti cu vreari sh-minduiari armănească. Tora ashtiptăm
ca Ministerlu a Educatsălĵei sh-Cercetării s-pitreacă
atsea dit soni hăbarti prit cari lipseashti s-da crediti di
curslu di perfectsionari adrat.

Dealieha zboarăli că «Ficiuritsâlĵ armănj di
Custantsa nu sh-agârshescu zârtsina».

Tu anlu shcolar 2006 - 2007 aestu cursu
opsional di «Cultură sh-Adets Armăneshtsă» ahurhi la
Sculiili Numirlu: 9, 12, 23, tu hoara Mihail
Kogălniceanu, la Ovidiu sh-la Grădinitsa Numirlu 47.
Tu tuti aesti sculii urdină 357 di ficiurits armănj.

Tu sculia 23-li cu agiutorlu alăshor fciori
armănj livendză sh-feati daileani lucurlu imnă ambar.

Suntu tu lucru cu doauă mări proiecti educatsionali:
protlu cari ari continuitati di doi anĵ di dzăli «Cultură sh-
Civilizatsii Interetnică – Ună cali dishclisă tră Evropa»
cari easti adrat deadun cu alti sculii di Custantsa sh-di
Tulcea sh-Judetslu Neamts. Aestu proiectu ari tu
minduieri s-ăi adară pi ficiuritsălĵei cari s-duc la aestu
cursu s-ascoată tu migdani tut tsi va s-dzăcă s-hii armăn:
limba, adetsli, cultura, gioclu, s-adună cu alanti milets
cari băneadză tu României iu adară ună anvitsari un tră
alantu di lucurlu că nu lipseashti s-agârshim di iu yinim.

Alantu proiectu Educatsional «Shcoala – Model
de Convietsuire Interetnică în Comunitate» ari tu naieti
yislu a evropenilor ta s-hibă shi s-băneadză tu Evropa
liberi, egali shi cu minduearea că lipseashti ta s-nă
respectăm andrepturli sh-identitatea a miletslor cu cari
bănăm deadun dzuă di dzuă.

Dăscălitsli di la Sculia Numirlu 12 deadun cu
alti dăscălitsi armăni ahurhiră un proiectu national iu
participă shi sculiili dit căsăbadzălĵi: Tulcea, Călărashi,
Bucureshti sh-Ilfov.

Aestu proiectu fu aclimat «Adets Armăneshtsă»
sh-temili suntu âmpărtsăti: «Tayianilu» (Constantsa),
«Aluatlu» (Tulcea sh-Călărashi) sh-«Adets di Preasinĵ»
(Bucureshti sh-Ilfov). Minduearea easti ca, cafî sculii s-
lucreadză pi tema pripusă, s-adară un portofoliu cu
caduri, cântitsi sh-filmări, expozitsii cu âmpleteri sh-
desene. Aestu proiectu minduim s-ăl bitisim cu ună
broshură sh-cu un spectacol iu nai ma bunĵ fciurits va s-
alină pi scenă sh-va nă hârsească cu msheatlu cântic shi
zbor armănescu.

După cum s-veadi sh-aestu an avem armănj cu
vreari di Armănami cari sh-pitricură njitsălĵi ta s-
anveatsă limba noastră di dadă.

Lipseashti, voi tinjisits armănj, tsi avets ficiurits
la sculii s-căftatsă ca sh-taifa a voastă s-hârsească di
mushuteatsa a limbâlĵei armănească, ta s-poată s-aibă
căbalea s-u ânveatsă tu sculii. Him sigura că pit gairetsli
tsi li adrăm pisti un an fidăinĵli a noasti va s-urdina la
cursul di limbă maternă.

Nu cheari nă paduri

Fidăinĵli anda crescu.

Mirela GOGA



TINIRAMEA

Aua sh-ndoi meshi, na minduiam cu ndoi sots shi soatsă, cum s-adrămu noi ta s-fătsemu una parei di tiniri cari s-lureadză ti lucărлу a Armănamiljie! Cum va s-yină aeshtsă tiniri? Tsi sã-lj bågămu s-adară? Cari iasti minduiarea loru? Cătu armasi dit duchearea a loru armănească?

Shidzum,nă minduim, shi păn tu soni apufusimu! Luăm apafosea ca noi, ună parei di 20-30 di tiniri s-adramu una sutsată, sutsată Armăneasca! Ditu aesta minduiari s-amintă Consiliul a Tinirloru Armânji! Ciudiia nu iasti di noi atselji 20 tsi u adramu, tsi nă lo harea naima multu iasti cã, di doi meshi di cându tut nă videmu, dit 20 nă adramu 80, sh-lumea nu dănăseashti s-yină!

Mutrindalui la tsi adrară bărnurli ma mări ca noi, shi shtiindalui ca naima bună turlii ta s-adari lucru iasti ta s-hii ca ună companii, apufusimu ca aestă sutsată tsi u adrămu, s-aibă 5 dipartamenti: Vinderi, Relatsii Internatsionali,PR&Marketing,I.T. shi Comunicari Internă, doi vitse-prezidentsă, un pi lucărli ligati di cultură sh-nica unt ti partea profesională, ca adrari di strategii di crishteari sh-alti luyurii. Deadun cu tuts aeshtsa iasti prezidentul sh-anamisa suntu secretarлу sh-trezorierлу. Cătse aestă andridzeari? Nă minduimu ca aestă iasti arada tsi lipseashti adrari ta s-himu profesionishtsă. Ti aestă furnii apufusimu s-adrămu un site, www.ctarm.org, site cari cu vrearea la-ndoi tiniri Armânji livendză s-adră diunaoară!Aua bågămu tuti hăbărli di noi sh-di tsi vremu s-adrămu!

Tora lipseashti s-na bågămu antribarea: **Cătse yinu tinirlji aeshtsă, tsi-i tradzi cătă noi?** Iasti mashi mirachi, iasti vreami, shteari i ducheari! Cum s-adrămu sã-lji tsănemu ninga noi, cum s-adrămu s-lă dămu lucruti adrari! Păn tu soni va dzătseari, a oaminjloru

mintimenji va s-lă dai lucruti s-adară! Ma s-nu, nu au cană furnjii ta s-armănă tu sutsată!

Criparea la tuts Armânjili iasti cã, a loru nu lă si pari un lucru normal ca lucruti ca media, presa sh-păn tu soni di multi ori sh-mobetea s-hibă pi Armăneashti. Sibabea alănshtui lucru iasti eta tu cari bânămu, ti atsea, noi nă minduim cã lucărлу tsi lipseashti adrari, iasti prota sh-prota sã-lji fătsemu s-achicăsească: **Tuti potu s-hibă sh-pi limba noastă!Limba noastă nu iasti ma-nghios di tsiva!** Shi,atselji cu ducheari va s-angăldăsească habarea tsi u pitritsemu!

Minduiarea a mea iasti cã tinirlji Armânji nica au ducheari, cã aeshtsă oaminji, faptsă sh-criscutsă tu mesi di Armăname, nica u voru aestă lumi tu cari criscură: **Cultura Armănească!** Sh-ti elji, cu elji, sh-ti bărnurli cari năpoi va s- yină lipseashti ca alumta s-ducă ma ninti, lipseashti ta s-crishtem duchearea Armănească, lipseashti ta s-tritsemu la altu nivelu! S-him profesionishtsă! Bărnul a nostru agiumsi tu ilichia iu poati s-adară tutu tsi va! Noi criscum tu democratsii sh-nu shtimu tsi iasti atsea frixi! Shtimu mashi cã lucărлу neadzi ninti, sh-că tu Evropa, limba sh-cultura noastă, iasti avearea a noastă! Ashi cã, deadun cu bărnurli alanti lipseashti s-bågămu lucărli pi aradă!

Ti aestă, di aua sh ninti, borgea a noastă, atselji ndoi tsi ahurhiră luyuria iasti s-minduim la lucruti mintimeni, cari s-li adară aeshtsă tiniri cu mirachi, lucruti tsi s-ascoată Armănamea tu migdani! Lucruti cari s-hibă ca un magnet ti alantsă tsi nica nu suntu tu aestu lucru, lucruti pusimati!

Pălăcăria a meu iasti ca tuts s- duchits cã noi tinirlji himu a voshtsă, nu himu xenji, nu himu luats dit cali, himu cilimeanjilji a voshtsă, oaminji cari duchescu cã vremu s-avemu sh-noi tutu tsi avutu sh-voi di totna! **BANĂ ARMĂNESCĂ!**

Tanasi al Stamuli

Armănamea pi calea minoritâtslor ditu Europă

Di vîră ndoi anji, *Fara Armănească ditu Rumâni* ahurhi ună colaborari cu organizatsiunli europeani cari lucrează cu problematică ahoryea. Pi ningă apruchearea ca membri la *“FUEN” (Federal Union of European Nationalities-Uniunea Federală a Natsionalitâtsilor Europeani)*, tu meslu Maiu 2006, Fara Armănească easti tu muabeti sh-cu organizatsiunea *EBLUL (European Bureau for Lesser Used Languages-Biroulu Evrupean ti Limbili ma Ptsân Azburâti)*. După apruchearea, di estanu, a Farâljei Armănească ditu Rumâni, ca membru *“FUEN”*, membru cu tuti ndrepturli, membrilji a Farâljei duchiră ună externă pricunushteari ca mileti ahoryea, atsea tsi-u *scoati tu migdani sh- “Vrearea Armânjilor”*. Multu nă hârsi tinjia tsi nă-u-adrară *Prezidentul di la “FUEN, ”-Romedi Arquint, membrul ditu Consiliul alu “EBLUL”- Tomasz Wicherkiewicz sh-Prezidentul YEN-Aleksander Studen-Kircher*, că fură oaspitslji a noshtsă la *“Dzâlili a Culturâljei Armăneshtsă”*, di estanu.

Fara Armănească ari buni ligături sh-cu *“YEN” (Youth of Eruropean Nationalities-Giunamea Natsionalitâtslor Europeani)*, aestă oraganizatsiuni di tiniri, tsi fu fondată ca unu organismu ahoryea, ditu anlu 1984, până atumtsea fătsea parti di *“FUEN”* ca unu organu spetsialidzatu tră tiniri, cu numa *“Comitetlu a Tinirilor”*. Tora, *“YEN”* agiumsi naima marea organizatsiuni(uniuni) di tiniri, pricunuscută sh-agiutată di *“Consiliul Europeanu”, “Uniunea Europeană”* sh-di *Forumlu Europeanu a Tinirilor (YEN easti membră la aestu Forum)*. Lucurlu tsi-u adara spetsifică, easti că *“YEN”* ari ună problematică ahoryea sh-pretsisă, lucurlu cu tiniramea a *natsionalitâtslor*¹ europeani. Aestă organizatsiuni cu

caracteru di uniuni, până estanu, misură 37 di organizatsiuni a tinirilor cari fac parti ditu minoritâtsli lingvistitsi, culturali ică natsionali ditu Europa.

Fara Armănească ditu Rumâni adră ună cali la ună andamusi YEN, ti tinirilji armânji ditu Rumâni, ama sh-ti tinirilji armânji ditu Balcanu, ta s-facă cunuscută pi planu european, catandisea tu cari s-află armănamea. Aestă cali s-adră cu partitsiparea efectivă a tinirilor armânji di la Fară, la seminarili oraganidzati di YEN deadunu cu organizatsiunli membri. Pritu aesti seminari, s-adră sh-ună apunti di colaborari anamisa di minoritâts, s-adusi tu lunjină catandisea tu cari s-află sh-alti natsionalitâts ditu Europă, sh-cu statutlu a loru, tu cathi vâsilii ahoryea. Nu lipseashti s-agârshimu că aestă colaborari tsi u avură tinirilji di la *Fară*, adusi ma multă afirmari cari easti ti mari agiutoru ti Armănami.

YEN tindi mănă la Giunamea di la Fara Armănească

Ditu 5-li pân' tu 10-li di Yismaciun, trei tiniri di la Fara Armănească loara parti la unu *“Youth Leader Seminar”*, seminaru tsi avu locu tu *Sârbii*, tu reghiunea *Voivodina*, cu *motto-ulu “United Colours of Balkan”(Buialili Uniti a Balcanlui)*. Seminarlu fu oraganidzatu di YEN, tu colaborari cu nica dauă oraganizatsiuni membri, atsea a tinirilor unguri sh-atsea a tinirilor croats ditu *Sârbii*, *“VIFO”* shi *“CROV”*. Ti prota oară YEN tsănu tu *Srbii* un seminaru deadun cu alti organizatsiuni membri ditu aestă reghiuni. La seminaru loară parti pisti 60 di tiniri ditu tută Europa, tiniri cari viniră ca reprezentantsă a organizatsiunilor tsi suntu membri ordinari, extraordinari shi membri corespondentsă alu YEN. Ashi cumu achicăsimu di la aeshtsă tiniri, elji aflara/vidzură cum tu *Voivodina*, ună

¹ Cându ufilisimu termenlu di *“natsionalitati”* azburăum ti minoritâts cu /sh- fără cratu ahoryea di Europa.

reghiuni nu para multu teasă, băneadză multi milets tsi-sh-trecu multu ghini ună cu-alantă. Cu furnjia a seminarlui vizitara shi ndolji cāsăbadz (*Subotitsa, Svetozar Miletici, Sombor sh- Novi Sad*) di iu viniră multu impresionats ti atsea tsi va s-dzăcă sotsietati cosmopolită ditu Voivodina, ună bună paradhigmă di harmonii interetnică, ună sotsietati iu multiculturalitatea s-află tu cathi omu di aclo. Eara multu greu s-aducheshtsă natsionalitatea a oaminjiloru cari tsă si fânărsea, acă eara unguru, croatu ică sârbu. Cându tsă grea pi vără limbă, dinăoara minduaii că fatsi parti di atselu grupu etnicu, ama aestu criteriu di diaforidzari eara mash unlu mentalu. Ti itia că oaminjilji di aclo shtea ma multu di ună limbă, sh-cumu mini earamu xenu tu atseali locuri, ānj yinea multu zori s-duchescu - nj-spusi Vlatko Dibrean. Altă luyurii tsi-lu alăsă fără zboară, aestu tiniru, fu mushuteatsa harmonii a minteariljei di natsionalitäts/minorităts. Voidovina, easti loclu iu tuts deadun băneadză cu vreari, acă easti diaforauă culturală. Pi cathi institutsiuni, pi cathi geadei, pi cathi locu importantu, s-află ngrăpseri pi dauă ică pi trei limbi.

Altu lucru tsi inshi tu migdani, cu ună simasii ahoryea, pritu muabetea tsi-u featsiră cu *Directoarea di la Muzeulu Natsionalu di Subotitsa*, easti că năsa lă dzăsi că vărchiro, Subotitsa, băna taifi di arăzgă armănească, *taifa arhitectului Ferenc sh-taifa pārmāteftului Mihailovici*, casili a lor s-vedu sh-adză tută dzua, Subotitsa. La ntribarea, “Băneadză armănji nica Voivodina”?- năsă apândăsi că nu shtii, ama easti sikhura că armănjilji lucrară cu mari vreari ti locurli iu bănară, că sh-tu suflitu s-ducea *cosmopolitanji*.

Cu furnhia a voltăljei ditu Sărbii, achicăsimu că YEN teasi mână câtă giunarea di la Fara Armănească shi ‘sh-u tindi ma multu câtă tu inima Balcanlui. Actualu prezidentu di la YEN, Aleksander Studen-Kircher, deadun cu Biroulu Executivu alu YEN, pi ninga proiectul Bruxell (aestu proiectu va-s dzăcă că YEN s-alumtă ta s-mută biroulu YEN, la Bruxell), au umutea s-

minduească sh-alti dauă mări proiecti ti yinitoru: *“Proectul Balcan”* (apruchearea di noauă organizatsiuni membri a natsionalitätslor ditu Balcanu, tu anjlji tsi yinu, tu aestu plan di crishteari a membrilor YEN, easti loata tu isapi sh-giunarea armănească) sh-*“Proectul Baltic”*(apruchearea di noauă organizatsiuni membri a natsionalitätslor ditu loclu a Amariljei Baltică).

Tinirilji s-turnară ditu Sărbii cu nădia că tu anlu 2007 tu Apriiru, la Adunarea Gheneară alu YEN, tsi va s-tsănă tu Frāntsii, la Occitanji, *Consiliul a Tinirilor Armănji ali Farăljei Armănească* s-hibă aprucheatu ca membru YEN. Ti aestu lucru, *Consiliul a Tinirilor* di la Fara Armănească lipseashti, până tu bitisita anlui 2006, s-pitreacă aplicatsiunea di aprucheari ca membru YEN. Ditu muabetea tsi u featsiră cu actualul Prezidentu shi cu membrilji di la Consiliul YEN, acăchisimu că YEN va s-hărsească multu maca tinirilji armănji va s-facă parti ditu mushuteatsa culturală europeană a natsionalitätslor, sh-ti aestă itii aprucheari verbala (vreari/confirmari) alishte organizatsiuni, ti aprucheari ca membri tu anlu 2007.

La aestu seminaru, s-andămusi *“Comitetlu Central alu YEN”*, andamusu la cari tinirilji a noshtsă avură ună prezentari a Farăljei Armăneshtsă cumu shi a catandisăljei tu cari s-află armănjilji tu Rumānii. La aestă andamusu, Prezidentul alu YEN accentuă importanta aprucheariljei a tinirilor armănji ca membri, cătu cama ayonjea. Di altă parti, pritu aestă voltă la Seminarili YEN, amintămu unu locu, unu reprezentantu a Tinirilor di la Fara Armănească s-lucreadză deadun cu reprezentantsălji a membrilor ordinari shi extraordinari alu YEN, la riformularea alishte organizatsiuni. Pritu aesti cilăstăseri tsi li fatsi Fara Armănească, deadun cu Tiniramea Armănească, u-dutsi ninti, cu pisti, cāndila *“Vrearyljei Armăneshtsă”*.

Pitu Dibriani

CARTI DI BRUGGE - BELGIA

Ună minduiari ti tinirlji Armănji,



Ti tinirlji armănji cari ies sh va s'iasă tu lumi: Elj nu s-agârshescu că suntu armănji, ama agiundzi aestu lucru ta sã shtibã tsi iasti atsel **Armănu**?

Cari hiu mini?
Tsi hiu ? Di iu yinu?
aisti suntu antribãri la

cari lipseashti s-dai apandasi cându hii tu xeani sh-azburashtsã cu altsã tiniri. Tsi va s'dzãts? *Hiu de-alcu pãrnoanjia dit Vãrgãrii sh-hiu cipan; maia era de-almãrtata la.* ; ama nu pots s-apãndãseshtsã ashi. Va s'dzãds *My name is. and I'm from Romania.* Stai pi mindueari sh-para vrei s'dzãts cã *But actually I'm not a Romanian. I'm from a minority living in Romania.* Sh-vrei s'dzãts cã hii armănu ama nu shtii cumu s'dzãtsi pi englezã la **armănu** sh-nu shtii cumu s'dai giuiapi ti tsi suntu atselji armănji.

Aestã va s'hibã dilema a tiniriloru armănji di tora. Elji s-ducu tu xeani shi s'andãmusescu cu alti milets sh-cunoscu alti valori sh culturi sh-voru s'greascã sh ti cultura a loru.

Ama cari iasti cultura a armănjloru di tora? Tsi valori au tinirlji armănji di tora? Cã n d u hii tu xeani dukeshtsã limpidu cã hii altu tsiva di tuti alanti milets, ama nu shtii cãtse. Azã uridinã multi informatsii, azã tinirlji shtiu ahãntea, cunoscu multi culturi shi au hãbari di multi valori.

Ti atsea dzãcu cã nu agiundzi s'dzãts cã hii armănu sh cã hii altã mileti. Aestã sintagmã easti numã ti unã identitati. Tini akicãsehshtsã tsi ai sh tsi hii mashi cându hii nafoarã di soia ta, di miletea a ta, di fara a ta, aclo iu ampartsã deadunu cu alantsã armănj idyea identitati.

Ama problema tsi a u ai easti cã dukeshtsã altã turlii, cã hii altã turlii di alantsã sh nu shtii cãtse. Ti aestã furnjii dzãcu cã nu agiundzi s'dzãts mashi **hiu armănu**. Ta s'tsãnemu tu banã aesti valori armăneshtsã, tsi li avemu tuts deadunu, va

s'cunushtemu ma ghini patrimoniulu, doara a noastã culturalã. Noi lipseashti s'nã cunushtemu ma ghini cultura. Va s'cunushtemu seamnili a noasti di identitati. Cându urdinãmu nafoarã, tu lumi, va sã shtimu s'dãmu giuapi ti tsi culturã avemu. Altã turlii, tinirlji a noshtsã va sh'hibã ayonjea asimilats la alti culturi sh la altã identitati.



P.S. mini hiu tora la master la Colegiulu Evropeanu di Brugge (Belgia) ti ndreptu evropeanu, ti un an di dzãli. La aestu master ari studentsã di 49 di milets; suntu aua sh ditu Gãrtsii sh-li dzãshu la tuts cã hiu armănã (**vlahã**) shi's hãrsirã cã hiu de-a loru. Tu ahurhita a masterului, cându apãndãseamu la ntribarea *cari hiu sh di iu yinu?* dsãtseamu cã hiu armănã. Mashi gretslji sh atselji ditu Machidunii apruchearã tsi iasti atsea **vlahos**; ti alantsã iara multu greu sh vrea daima s-pirmitusescu tsi iasti atselu **armănu**. Ama mi hãrsii cã tora shtiu cã yinu ditu Romãnii, ama cã hiu niheamã sh-altutsiva.

RAMONA IANUSH

10 di Andreu 2006



YIORYI VRANA

Autobiografie

*Hiu unu poetu tsi bānā
la ziya anamisa di eta yinyits
shi eta unsprāyinyits,*

*unu poetu tsi si-amintā
canda aeri tahina,
mardzina di Laia Amari,
aclo iu vimtulu lu usucā truplu
sh-nostalyia u vatāmā inima...*

*Hiu unu poetu
amintatu fārā patridhā.
Singura-ñi patridhā:*

inima...

*Amu ayāpisitā unā muleari,
cu fatsa alberā,
amu adghivāsītā
'ndoauā ni'li di cārts,
amu avutā 'ndoi oaspits,*

*li vidzuii Machidunia, Thesalia
sh-Ipiru,
lu vidzuii Elimbulu,
iu picurarli armāñi
au idghea lichie ca muzili
shi sāndzili a loru
cāntā unu cānticu strāvecl'iu,
lu vidzuii sh-Pindulu iu truplu-a-meu
nu va hibā 'nmurmintatu
dupā aradha a straushiloru,*

*li vidzuii Vlahuhorli
spindzurati di tseru,
mi-ncl'inaii Meteora
tu cubairlu armānescu
iu pistea da cu māna di tseru,*

*li vidzuii aruvuirili di Athina
sh-Roma
dipu tu sāndzili a meu
tsi s-nicā ca unā amurdzitā
tu Ionica Amari...*

*Di-apoia,
tutā sivdaia
ñi-u-arcaiu pri Dumnidzā.*

*Va alasu clirunumie
unu hil'iu,
unā retinā
pliguitā di mushuteatsa a lumil'ei*

*shi unu ponu tsi va adarā explozie
tu unā metaforā.*

29 di Brumaru 2006



CURSU DI LITIRATURĂ ARMĂNEASCĂ P o t l u



TU UNĂ TEZĂ
DI DOCTORATU
multu documentată,
lucrată dupu metoda
s t r u c t u r a l i s t ă sh
sociolingvistică shi
ursită di profesoru di
la Universitatea Paris
V di Paris, Stamatis
Beis, anvitsatu ditu
Gârtsii, difturseashti
că limba armănească
easti mashu ună limbă

azburată, că easti dipu psănu anyrăpsită sh că easti tora
fuvirsită cu kirearea. Autorlu mutri deaproapea
catandisea a limbăljei armănească azburată ază
Aminci, di tuti bărnurli.

Tu capitulu 1.8, la litiratura armănească, elu
adutsi aminti ma multsi cārtsă sh scriitori armânj, ti
paradiymă: CAVALIOTI (manualu tipusitu Venetsia tu
1770, iu avea tricuti 1170 zboară armăneshtsă arada cu
noima a loru pi gârteashti sh arbinusheashti), CODEX
DIMONIE (manuscrislu bilingvu grecu-armănescu ditu
intrata a etiljei XIX), gramatica armănească anyrăpsită
di BOIAGI (Viena, 1813), antologiili ditu eta XX
(atseali cama nali andreapti di ZOI PAPAZISI
PAPATHEODORU, cāntitsi – 1985, pirmithi – 1996).
Vahi Beis nu ari avută tută informatsia tu mână, ashi
s'dukeashti ditu lista a lui, multu shcurtă.

Ta s'dămu apandisi la psefta ntribari **AVEMU
LITIRATURĂ ARMĂNEASCĂ** ?, prindi sã ftsemu
ndoauă distinctsii. Litiratură orală, etnică di ună parti
(cāntitsi, primithi, shicāi, expresii, blāsteami etc.) sh di
alantă parti litiratură anyrăpsită (tu rivisti, cārtsă tipusiti
di autori ică manuscrisi).

TEXTI LITIRARI, POEMI, ROMANI,
THEATRU anyrăpsiti pi limba armănească ahurhiră ta



s'iasă tu miydani ditu eta XIX, a tora tu soni, dupu 1990
suntu ma multi ca vārnă oară tu istoriia a armānjloru.
Mutrits lista publicată di THEDE KAHL, iu aduă
lucurlu a trei edituri armăneshtsă : **Cartea Aromână,**
Dimândarea, Unia di Skopia. Nafoară di aesti edituri,
tu Arbinushii suntu tipusiti cārtsă di litiratură, revista
micRomania ditu Belgii ari publicată texti
armăneshtsām, alti rivisti armăneshtsă : *Fratsia,*
Fārshirotu, Zborlu a nostru, Armānlu, Rivista di
Litiratură shi Studii Armāni, Daima, Armănamea,
Deşteptarea etc.

Itsi litiratură easti ună turlii di paradiymă tsi
aspuni vetea, mirakea, niputerli, catandisea, dukerli
atsilui populu tsi zburashti atsea limbă. Ună ntribari yini
natural : ashi cum easti Tasso ti italianj, Shakespeare ti
englezi, Stendhal ti francezi, cari easti ti noi armānjli ?

Până s'dămu apandisi, s'nă dināsimu la unu
cānticu di ază, tsi dzātsi :

« *Ne crois pas que tu vas garder par les larmes
Ce que tu n'as pas su defendre par les armes !* »

[S'nu pistipseshtsă că va s'amintsă cu lăcărni / Tutu tsi
nu putushi s'aveglji cu armili]

Zori easti s'alidzemu tora ună numă, ună boatsi.
Siyura easti că numa a poetlui nă treatsi a tutulu pitu
minti, atselj tsi adyivāsimu dealithea litiratura
armănească, ică avdzāmu muabets di la altsă tsi tsi
cārtsă s'tipusescu.

Ună boatsi fără preaclji easti SPIRU FUCHI
ditu Arbinushii, tsi scoasi până tora trei cārtsă di poezii :
Soari disicatu (1996), **Cāntitsi barbari** (2004),
Alchimia a dipiraril'ei (2006). Cara s'eara dupu axia a
loru, vra s'alidzeamu tuti poemili a lui ta s'li adyivāsimu
ninga sh ninga. Maxusu atseali cāntitsi barbari, ti cari
KIRA MANTSU dzātsi că au metafori antruisiti tsi

agudescu inima. Ca alchimistu anvălitu tu mistiryiô, Spiru Fuchi ahstsă cu puteari lirica armânească di la plângulu sh melancolia a bărnuriloru Murnu, Tulliu, Boga, Nasta, Merca. Elu acătsă cu mintea calea nsusu, vârtoasă, câtă soari, inshi ditu murmintsă disicatu, pliguitu, ama nu armasu, nu azvimtu, nu lăhtărosu. Spiru Fuchi easti revoltatu di alienarea a armănjloru, tsi s'anduplăseashti ca ună pasivitati, tsi agârshashti suflitlu singuru, shcretu :

Namisa di voi, / easti suflitlu di poetu, / armasu singuru, / armasu shcretu !...

Ama poetlu ari n gepi daima ironia. Tragedia nu'lu fatsi demodat, ridicol ică revolutsionar. Elu nu yini cu ună ideologii, nu yini ancălaru ta s'tragă azvarna cu elu laolu. Poetlu aduki, akicăsi că kirolu ti miryulô dusi sh că surpă Moscopolea ditu suflitlu a armănjloru.

Conceptulu di *curbani* easti nafoară di modă ază. Lumea arhaică, di zămani armânească avea ca thimelju moral curbanea, pidimolu, nicumtinata zdruinari a kirolui, vătămarea tu lucru. Mutrită di aua, di ază, ditu bana tsi tinjiseashti arihatea, confortulu, uidiia, atsea bană ca ună furtii tsi vrea purtari cu miraki tu itsi kiro, tu aradă, tu fumealje, tu fară, easti tora canda ună asceză, ună paradiymă ti ayiuseari. YIORYI GODI băgă oară la aestă alăxeari morală, la aestă shtsari di axii sh ti atsea caftă ca tu ună yilii s'veadă tu lumea di ază seamni ditu « *atselu kiro* » Elu nu s'ankeadică di formi, di prosuplu alăxitu, elu veadă daima ketsarli, tsi cara arăulu cură, a s'hibă că.

Aestă formulă logico-sintactică dispeatură lumea sh află că omlu, armănlul, ari ună identitati, idyia tu forma a ljei, pistipseashti Godi, a s'hibă că seamnili tsi s'vedu pisupră s'alăxiră. Prota elu adukeashti cu nheamă zori că multi elementi kirură : *cărlibana, tămbarea, maslu, metura, mârtsiclu di gusha a nêlui, bărgacea ti*



ancl'igari laptili, calu, birbil'i. Dinăcali, alti elementi suntu deanvârliga, lumea lishură di pidimo, poetlu nu easti anvirinatu, s'hârseashti ti kirolu modernu : *cundil'u, cartea, păputsă nghilicioasi, pirifana maxi, praxea di cāsăbă, apa ti'a beari tsi yini ditu stizmă.*



Godi nu-ari ti tsi s'anvirineadză, s'hibă nostalgicu, câtse elu shtii : nu tu lucrî băneadză suflitlu, nu tu stranji, tu materii, tu cătândii. Poetlu nă adusi di mână până aua, nă urnipsi ca tsiva cilimeani sh nă dîturusî paradoxulu : *nu picuraru*. Deapoa, nas Dalai

Lama, tăcu.

Mushuteatsa tu poemili anyrăpsiti tu limba armânească yini ditu minărli a suflitului zuyrăpsitu : trâmăndană, njilă, arăsu.

Vrearea ti bană s'alumtă cu mirăkili, cu ziya urnipsită ta s'tsănă isa dorlu sh dizbărnarea, câtse omlu ari nădii, vreari, zurleatsă, tāmahi, nkizmu, stuhinari, yinati, orixi, ponu, caimó, lishureatsă, eryu, pirifanji, glăreatsă, harauă, livindeatsă, frunimie, lăhtară, hătări, tinjii, amahi, cuveti, până s'anveatsă isihia.

Ashi elu s'anfarmăcă sh lăhtărsashti ti unu zboru, ti ună mutrită. Cătu aspuni ditu aesti cu prosuplu, cu vidzuta easti rezultatlu a praxiljei. Unu poetu daima va s'caftă s'aspună ndreptu tu zboară ică pritu metafori atsea tsi alantsă nu au kiro s'aleagă, s'discaci, s'minduiască, s'uidisească tu zboară.

Omlu nu ari adyiu sh nu va s'aspună că vrearea a lui ti banaă s'alumtă cu yinatea, cu vrearea, cu nkizmulu, cu nvirinarea, cu tāmaha, cu eryulu, cu mirakea. Ama poetlu greashti ti tuts :

*Cilăstăsimu / Ti pāni / Ti adză sh ti māni [...]
Pānă s'ca angăldăsimu, / Lomu cālicea shi
ankisimu...
(Godi, Căftări)*

*... cā Moscopoli, Moscopoli a noastră
adărămintlu genialu a Armănjloru
ni cā u amu vidzută,
ni cā u amu cālcată,
ni cā apucaî s u plāngu...*

(Fuchi, *Ma dialihea easti altă soi*)

Prota pāristiseari di modă armănească

...fu andreaptă tu arada a Dzālilor a Culturăljei Armăneshtsă di Constantsa,
treia editsii, ditu avgustu 2006-
di designer LUIZA POPESCU

Ti aestă paradă sã zbură multu tu armănamî, ama sh-tu mass-media, cãtse fu ună premieră ti armănj, sh t-atsea avu ayonja ecou, sh ti Ayiu Dimitri Bucureshti, fu aspusă ninga ună oară. Prezentarea fu xanaaspusă sh la TV, la emisiunea *Jolie - Jolie*, ali Catrinel Sandu.

Sh cu agiutorlu al Dumidză va s'hibă iara.

Luiza easti una tiniră armănă di Pipera, studentă la ASE sh la Integrari Europeană Bucureshti, ama naima marea a ei vreari easti moda. Ea anvitsă design vestimentar la Universitatea Populară "Ioan Dalles" di Bucureshti.

Ti tsispră minuti di pāristiseari, ea lucră 2 meshi năinti: adră stranjili, află feati armăni (cã vrea sã scoată armănilu tu migdani, fronimi, msheatu, cu praxi cum suntu) ta s'iasă pi scenă, ama cari nu avea adrată modelling, sh la ea acasă yinea tută lumea ta s'anveatsă s'imnă pi podium di la Camelia, adră muzica, cafi fustani avu iholu a ljei.

Colectsia "*Cuscārli*" ali Luizi Popescu adutsi pi podiumu atsea oară ditu numtă, cându cuscārli yinu s'u lja nveasta. Ti atsea tu arhurhita a spectacolului YANULA GHEORGHE cãntă "*Nu-nj ti-arădi, feată njică*".

Createsia uidusi ti harauă modernismu cu adetsli armăneshtsă di numtă. Contrastu adusi arada, anda dzeamini, stiluri ahoryea ufilisiti deadunu, cruieli feminini, linii suplă, fluidă, kindimati / aplicatsii cusuti di mănă, tuti fură parti a unui scenariu ghini andreptu tsi avu ca temă un momentu ditu numta armănească.

Ia tsi azbura ti cultura materială armănească: ciuprăchi, poami dati la nveasta, găitani, gadafei, sirmă... Ama ma nsusu di tuti, fură msheatili feati armăni - *TASIANA GOGA, ANA GRANZULIA, MARUSHA GHEORGHE, CAMELIA COJOCARU-ZISU, GEORGIANA DARGATE, MARIA ARNAUTU, GEORGIANA POPESCU, IOANA OMBASH, VANGHILITSA NASTU, MIHAELA NASTU, DELIA PACEAGIU, ZOIA NACE.*

Alăxiti cu stranji moderni, s'minară tu ună coregrafii sh ună muzică aleaptă di Alex. Goagea sh tuti deadun featsiră dealihea un spectacol.

Prezidentulu FUEN (Federal Union of European Nationalities), domnulu Romedi Arquint di Helvetsii, oaspi la Dzālili a culturăljei a noasti di Custantsa, cari vidzu moda armănească fu măyipsitu di manifestarea a armănjiloru, ama naima multu fu hărsitu di părăstisearea di modă.

Adriana Docu, avocata a noastă multu vruta sh alăvdată, anda u antribam cum vidzu colectsia, nă dzăsi:



Fara Armănească dit Români la Pălatea Cotroceni

Andamusi cu dl Teodor Baconschi

Dzuua di 21 di Andreu 2006, la Pălatea Cotroceni, ună delegatsii a Farăljei Armănească dit Români fu aprukeată la dl Teodor Baconschi, consilierlu pi problemi di politică internă a Prezidentului Traian Băsescu. Eara pitricuts di la Fară:

Florentina Costea – Secretar General

a Farăljei, **Chirana Darlaiane – avocat, persoana tsi u reprezintă Fara** tru ligăturli cu institutsiili, tru plan juridic, **Constantin Caracoti – Vitseprezidentul a Farăljei ti Problemi di Anvets**, **Stelian Damov – Prezidentul a Fălcariljei Bucureshti**.

Andamusea avu scupolu să spună shi s-dipună un memoriu ti Prezidentul ali Români, prit cari âlj căftăm s-hibă pazardipsitorlu (mediatorlu) a dialoglui anamisa di sutsata „Comunitatea Aromână din România” shi atseali institutsii a cratlui tsi au borge s-da apandisi shi s-li bagă tu lucru căftărli a organizatsiljei a noastră, tra s-treacă ma largu di ambodiul a muabetslor dit aestu chiro.

Fara shi spuni vrearea s-yină dinintea a Prezidentului ali Români, ta shi s-lj-aspuună problemili tu ună muabeti tinjisită cu Năsu.

Florentina Costea dishcljisi muabetea cu ună shcortă zuyrăpseari a Farăljei Armănească dit Români: imnaticlu a ljei di anda s-timiljusi, numirlu a membrilor pân tu aestă oară, fălcarli ditu hori sh-căsăbadz, lucrulu dizvartitu tu aeshtsă trei anj dit soni, proiectili tsi avemu tu umuti, sutsaticlu cu alti organizatsii, ama sh lucrulu deadun cu institutsii, tu plan european shi internatsional.

Stelian Damov s-dinăsi la identitatea a armănjilor, luyurii ti tsi nu poati s-aibă pazardipseari („nenegociabil”). Spunerea a identitatiljei easti un lucru di vreari, ti cafi insu, iara Fara Armănească ari, toradioară, cama di 6.000 di membri tsi u spusiră aestă vreari (minduită). Tu chirolu di ază, tsânearea tu bană a limbăljei shi a culturăljei poati să s-facă mashi atumtsea cându armănjilji va s-hibă nyrăpsits ca minoritati, aestu lucru easti atsea ma buna cali ti andridzearea a problemăljei shi nu easti un scupo ti altu sinferu!

Costantin Caracoti părăstisi catandisea a cursurloru optionali ti adets sh limbă armănească, andreapti macsus Constanța shi cîlăstiserli tsi s-featsiră până tora ta limba armănească s-hibă tinjisită ca limbă maternă tu programa shcolară.

Di cara ascultă delegatsia, dl. Teodor Baconschi lo zborlu sh ahurhi dialoglu. Ma multi ntribări shi apandisi avură tu scupo s-limbidzască căftărli/minduita a Farăljei: reprezentativitati, numirlu di armănj tsi bîneadză tu Români, cîlăstiserli, căftărli fapți tu treilji anj dit soni, sinferurli a Farăljei, contextul tu kirolu di tora. Paturlji membri ditu delegatsii u scoasiră tu videală andriptatea, cu zboară tinjisiti sh-limbidz.

Chirana Darlaiane u tric moeabetea tu planlu juridic sh angrică pi căftărli fapți di Fara Armănească dit România cu scupolu ti amintarea a statutlui di minoritati natsională, aspusi nomurli pi cari s-andrupăscu aesti căftări.

Purtaticlu a pitricutlor di la Fară alăxi turlia a ntribărlor a domnului Baconschi, tru idheea că eali fură multu ma tinjisiti – la obiectu shi scoasiră că ari miraki s-u cunoască sh-năs catandisea alitheia. Născănti ori, âl duchim canda andrupa, shi cā nu tradzi mână s-hibă pi idheea mindueari cu căftărli a noastră.

Ndauă momenti tsi multu acatsarā locu :

1. Chirana Darlaiane cundilje ti anami catandisea juridică shi spusi că tru căftărli pitricuti la institutsiili a cratlui fumu sertsă, dupo nomu, exigentsă (riguroshi). Tru idheea idhei, scoasi tu migdani că aesti căftări lipse s-hibă mutriti, minduiti mashi tru plan juridic, cătse opiniile tsi li spusiră oaminlji di nafoara a Farăljei nu au axii juridică sh nu pot s-acatsă loc tru analiza juridică,

cătse institutsili cu puteari au borge s-da apandisi ti ndridzearea / băgarea tu lucru a căftărlor.

Ea adusi aminti shi urminia faptă di *Consiliul Natsional ti Curmarea a Discriminariljei*, cari recomandă a Guvernului tra s-cilăstăsească ti amendarea a Apofasiljei di Guvernu nr. 589/2001, cătse aestă fatsi cali ti discriminari.

2. Chirana Darlaiane difturusu apufusitā urminiili fapți cătā institutsiili dit vāsilia a noastră di partea a *Comitetului Consultativ ali Conventsi Cadru ti Avigljearea a Minoritātslor Natsionali*, tu documentul cu numa Doilu Aviz Consultativ ti România, apufusit Strasbourg tu 24 di Brumar 2005, prit cari suntu urnipsiti autoritātsli s-andrupască, s’agiutā tsānearea tru bană a culturăljei shi a identitatiljei a armănjiloru shi s-anchisească un dialog, unā muabeti macsus ti aesti problemi.

Fara Armănească dit Români acatsă tu isapi că valorli a democratsiiljei shi pistusinea tu andridzerli tsi li adutsi cu hāiri dialoglu, muabetea suntu lumāchili a achicāseariljei shi a andridzeareiljei ti itsido turlie di căftari faptă di cetātseanj la institutsiili a statlui, institutsii isticli fundati ta s-lj-aveaglj shi s-lă apānghisească sinferurli.

3. Costantin Caracoti adusi tu muabeti apofasea a Ministrului a Anvetslui (Andrei Marga, dit 1998) tsi eara multu ma disfaptă di aestă di tora di la Ministerlu ti Praxi sh Xitāxeari, acā nomlu tu dumenea a anvetslui nu s-alāxi. Ministrulu Marga didea cali ti intrarea a limbăljei armănească tu programă ca limbă maternă.

Domnul Teodor Baconschi ascultă giueapea a noastră shi u spusi năteea că va s-caftă cāljiuri ti ndridzearea a lucărlor. Domnul Teodor Baconschi părăstisi dauă planuri: a) un „polim” ti lungu kiro, tsi caftă alāxearea a nomurlor di tora, b) problemi tsi pot s-hibă ndreapti tu oară sh apufusiti, cum easti anvitsarea a limbăljei armănească tu sculii, ca limbă maternă.

Stelian Damov silighi mesajlu di bitisitā tsi spuni că „tu itsi catandisi, Fara va li ducă ma largu cilăstāserli cu căftărli ti nyrăpsearea a armănjilor ca minoritati natsională”. Chirolu ti un „polim” ti lungu kiro lă-agiutā a-armănjilor, cătse di tsi treatsi kirolu, Fara s-anvārtusheadzā em pi plan internu, iu tāxi cā până tu inshita a anlui 2007 s-agiungā la 10.000 di membri, em pi plan externu, ca membru tru arada a organizatsiilor europēani cu cari ari sutsaticu.

Pitricutslji a Farăljei si spusiră cāndāsits cā domnul Baconschi easti omliu naima uidisitlu ta s-u dishcljidā calea ti achicāseari dinintea a Prezidentului Traian Băsescu, andicra di căftarea a noastă sh-cā după aestu dialogu shi ghivāsearea a cārtsālor pitricuti, va nā agiutā ta s-avem unā videari / andamusi cu Năsu.

Tu oara ditu soni, Florentina Costea gri pi limba armănească: „**Dealihea duchimu cā aestă andamusi easti di mari simasii sh trādzemu nādia cā va s-dutsets ma largu zborlu a Farăljei. Tihi sh-harauā ti tutā taifa!**”. Cadealihea, dl. Baconschi nu achicāsi ici tsiva dit urari, arāsi sh-te-atsea alācsi zboarāli pi limba romānească.

Delegatslji a Farăljei fură pitricuts cu tinjii sh-cu inima dihscljisā di domnul Baconschi, muabetsli fură hāirlātitsi sh tsānurā aproapea 50 di minuti. Nā dispārtsām di nās cu sumarāslu pi budzā sh-cu hiratimati, deadim māna, tu unā hāvaie di uspsālje/relaxatā, shi-lji dururismu a d-lui consilier cartea anyrāpsitā di Nicolas Trifon, **Les Aroumains - Un people qui s'en va**.

Turlia sh arada tu cari fu faptă muabetea, oara tsi nā u ahārdzi shi sinferlu tsi lu spusi andicra di problema a armănjilor pistipsimu cā easti un lucru amintat di Fara Armănească di Români, cătse fu ti prota oară tu istoria ali Romānie, cându la Administratsia Prezidentsială fură zburāti ufisial shi institutsional nāetsli a armănjilor ta s-hibă tinjisits cu ndrepturli di minoritati natsională.



Cu Papu Cărciunu la sutsatã

Căte ti sãrbãtorli di iarnã Pap Cărciun alagã s-aducã hari ti tuts ficiuritslji, Sutsata Culturalã Armãneascã ălu cãlisi s-dănãseascã niheam s-ascultã niscãndi puizii sh cãntitsi armãneshtsã.

Ti atsea tu dzuuã di 23 di Andreu 2006, ficiuritslji s-adunarã la Sutsatã s-lu-aproachi Pap Cărciun ashî cum shtiu elji ma ghini, cu puizii, cãntitsi sh arãsu. Paplu shidzu ninga brad sh-mutrea cu mirachi programlu tsi lu-andreapsirã ficiuritslji ditu pareia di la sculia numirlu 58 di Bucuresti, andreaptã sh urnipsitã di Tana Oprea sh pareia di ficiurits di la sculia numirlu 1 di Voluntari, andreaptã di prof. Chiratsa Gheorghe. Elji cãntarã colindili "*Dishcljidi usha armãne*" sh "*Anchisim t-as colindãm*" tsi lj-adrã parintsãlj sã sh-dishclidã suflitlu.

Di la sculia nr.58, Tima Alexandru aspusi una puizii di Toma Enache sh di la sculia nr. 1, Bucur Georgiana aspusi "*Colinda*" sh Vieru Alexandru "*Colindi melindi*".

Pareia **Pilisterlu**, ăl cãnoashti di njicã Pap Cărciun sh vini cu nãi pilisteri s-cãntã sh s-nã oarã "*Trã multsã anj Cărciunlu*".

Ama tora ma multsa ficiurits cãftarã s-shadã pi dzãnucljili al Pap Cărciun sh s-aspuñã cãti vãrnã mushuteatsã. Ashi vinirã andreapti doauã armãnici dealihea, Carmen sh Daniela Canciu, cari alaxiti tu stranji armãneshtsã aspusirã nã puizii ti paplu. Unã altã fiticã aspusi niscãnti cãntitsi cu avghiulia maxus s-nã ciuduseascã. Ficiuritslji, tsi eara multsã di multsã, nu fudzirã ninti s-ljea cu mirachi unã hari di la Pap Cărciun.

Ti tuti aesti hãrseri a ficiuritsloru avu angãtan naima multu Costel Farmazon, membru tu consiliul di cumãndãseari a Sutsatãljei, cari andreapsi hãrli cu agiutor di la Sutsata Culturalã Armãneascã sh di la Fãlcarea Bucureshti a Farãljei. Sh-altã armãnj avurã mirachi sh-adusirã cãti unã dultseami ti ficiurits.

Ti atsea nu lã si fudzea a ficiuritsloru, a pãrintsãloru sh a cama tricutsloru sh nitsi al Pap Cărciun! Elu tãxi cã pisti un anu as treacã iara s-veadã desi fumu froninj.

Ianula Gheorghe

Noapți Sămtă di Cărciun

Chiro di iarnă, cu căljiuri uscati sh-arăts, fără neauă anghilicioasă, ma cu vimtu tsi-ashcljimura ca lamnji pit lumăchi ancărfăsiți. Tricu oara-a numtsăloru sh-a arădzaloru mushati, anda s-adună Armănjili sh-tinjisească adetsli, sh-aghălisească orixea di muabeti, cântic sh-gioc. Easti, vahi, oara-a pirmithilor dzasi di paplu ninga focu.

Ama, cum s-adari s-le adunji tu-un loc cānitisli sh-giocurli armăneshtsa, tsi cură toamna deadun cu yinlu dultsi dit ayinjiurli anjiurizmati, cu pārmithili sh-cu shicăili di vār chiro, dzăsi ashî cum mashi Armănjili pot s-lă dzăcă.

La aestă antribari deadiră giuiapi featili shi fciorlji di la Consiliul a Tinirlor Armănji, tsi andreapsiră tu 23-li di Andreu, tu hanea "Portofino" di Custantsa ună mushată andămuseari. Elji sh-avură tu umuti s-ducă tu geantlu a Armănjiloru nă chicută dit haraua ayisită asprândită dit analtu di Steaua di Cărciun. Culindili di Cărciun fură sibebea ti cari s-asculară 150 sh-cama di tiniri, aducândalui cu elji seatea di bană shi vrearea hărioasa tsi lă undzeashti tu anjili a lor.

Deadun cu multsă tiniri di Custantsa, fură cālisits sh-oaspits di Bucureshti ta s-avdă urărli adrati pi cântic di multsă cântători Armănji: Hrista Lupci, Gica Coadă, Constantin Stere(Nini) sh-Dinca Gospodin.

Cāntitsli alina sh-dipunea, tritsea pitu gean ca yitrii, multu dultsi cātivăroară, altiori ca zghic sh-bumbunidzari. Sh-injinjili tiniri bătea ca ună, cându cu vreari, cându cu ahti, după cum lă adutsea canticlu.

Cu cuvenda-lji dultsi, ashî cum ăl shtimu, Hrista Lupci ampiltea pi cāntitsli a lui sh-ndoaă adutseri aminti dit anjili tricuts. Sh-cafi cântic tsi-l cānta, deadun cu fluiara-al Sorin Lupci, adutsea nă chicută dit iholu di zămani, aruptă canda dit hoarili armăneshtsă di văroară.

Tsi mushat s-muta boatsea alu Gica Coadă tu hanea amplină di tiniri Armănji! Vrut multu di tinirami, Gica adusi pit cântic ună mari harauă tu geantlu a lor. Cāntau tuts deadun shi zboarāli a lor erau achimate fuviroasă. Pit boatsea lor cāntau pāpānjili shi s-părea ca vazi di la veclji pānāiri dit muntsālji a Pindului. Sh-cum iholu armănescu s-andreadzi cama ghini pi doauă bots, Gica Coadă cāntă deadun cu Hrista Lupci sh-nu shtiu cara s-uchiră cu cātă tinjiji i-ascultau alantsă. Numa lor iasti anyrăpsită dimultu tu inima Armănjiloru sh iasti tsănută ca yishteari, nu mashi ti boatsea lor, ma ti doara tsi lă u deadi Dumnidză ta s-tsănă yiu un lao tsi-u caftan ascăpitata.

Ună ducheari nauă adusiră tu cānticlu armănescu Constantin Stere(Nini) sh-Dinca Gospodin. Stihurli a lor i a puetsloru clasits fură băgati pi melodii cu iho Armănescu, ama sh-cu chicuti di modernismu. Shicăili alu Dinca Gospodin adusiră arăslu pi budzāli a oaspitsloru.

Ca la tuti alanti andămuseri armăneshtsă, Părinteasca Dămândari adusi aminti borgea tsi u ari cathi Armăn, borgei alăsată pit stihurli al Belimace di pāpānjili a noshtsă.

Tu soni, anda oaspitslji nu mata arăvdară s-sheadă mpadi, ma s-mutară s-gioacă, s-teasi un cor di trei dipli, achimată di trupuri tiniri, ligānati pi iho armănescu. Giuca shi s-mindua că va s-yină sh-alti dzāli di sārăbatoari: Cărciunlu, Năulu An...

Sh-ashi cum aleapsiră sh-dzuua, aprindu Cărciun, fu un lucru ca dealihea ghini minduit. Aestă sārăbatoari, tu cari tinjisim amintaticlu a Hristolui, aspuni a tuturor ună nauă ahurhită. Aestu bārnu di tiniri Armănji s-pari că ari multi te-a dzătseari, ashî cum adrară sh-altsă nintea a lor sh-cum, cu volea-al Dumnidză, va s-adară sh-alti bārniuri tu yinătoru.

Tricu... Ună andămuseari ca multi alti, vahi ma tu bitisită alidzeai mushuteatsa aleaptă sh-tinjia hrisusită tsi u ancljinară aeshtsă tiniri a farăljiei armăneshtsă. S-lji-aflu cābati? Mashi ună: că nu sh-fu hanea di multi ori ma mari, s-lji-ancapă tuts atselji tsi duchescu vreari ti armānami, tuts atselji tsi-a-s trimbura anda a-s-muta pit cântic zboarāli: "Hai mută caplu Armăne!"

Era tsi nu sh-era... Eara unăoară un popul chirut tu Balcani, tsi sh-caftă dzuuă di dzuuă numa. Arăit pi ahāti vāsālii, angricatu di ponlu-a xeanāljiiei, s-tuchea tu ascăpitatu. Sh-aumbrili chiolui tritsea shi s-lăia, zundanea crishtea sh-atsel popul lua ta sh-heară numa ti daima. Ma, ca pi inatea chisāljiiei, fidānjili, cu tserli apreasi tu mājji, featsiră lunjină sh-griră cu boatsi mutată: "Noi him ARMĂNJI!". Sh-ahāt cu puteari astringu numa la cheptul a lor tinir, di nu-a s-poață cana s-u-azmulgă shi s-u-arucă tu-agārsheri!

Mihaela Liuta



Iancu Mataranga va oara Anlu Nau hariosu





Avocat
Chirana Darlaiane

Zboru ti andamusu semnificativi

Tu bana a noastă, să stihiseashti s-nă stăvrusim cu niscăntă oamini i cu un chiro istoricu cari s-da puteari mari a proiectilor a noasti. Aesti andamusu aleapti au harea s'alasă toară, ună vârtoasă influență tsi poti ma efcula s-facă i s-u umplă mira a noastă. Idye poti s-hibă shi ti unu populu : niscănti ori shi niscăntă oamini apufusiră tu isturii nvărtushearea i slăbinta a banălji a lui istorică.

Fara Armănească dit Români sh-lo borgea istorică ti scutearea tu migdani a identitatilji a populu armănescu ca popul ahoryea anamisa di alanti, iara tu alumta a noastă ta s'ascăpămu shi s'crishtemu civilizatsia armănească, mira a noastă s-astăvrusi cu oamini i chiro istoric, cu ma pțsană simasii, i alti ori di mari sinferu ti noi.

Luyursescu că tu arada a momentilor shi a andamusilor di simasii easti shi atsea dit dzuua di 21 di Andreu 2006, di la Pălătea Cotroceni, cu dl Teodor Baconschi, consilieru pi problemi di politică internă a Prezidentului Traian Băsescu.

Vahi ti multă di noi, dl Baconschi easti nicunuscut, ama ti atselji cu orixi ti lumea spirituala shi cu seati ti marea cultura shti că nasu easti un mari filosof, teologu shi anyilic diplomat.

Tu delegatsia di la Fară tsi avu tinjia să s'andămusească dl Baconschi eara Florentina Costea – Secretar Gheneral la Fară, Chirana Darlaiane – avocat, Costantin Caracoti – Vitseprezidentu pi Problemi di Anvets a Comunitatilji, Stelian Damov – Prezidentu Fălcarea Bucureshti a Farălji.

Tu aestă andamusu aveam năetea ta s-pitritsemu unu memoriu cătă Prezidentul ali Români prit cari cătăm mediearea a dialoglui ti alăxearea a aradălji di comunicari anamisa di organizatsia a noastă shi institutsiili a cratlu.

Strateghia a noastă eara s-nă andămusim prota cu dl Baconschi ta să-lj zburămu ti alumta a noastă shi ta s-cătmă agiutoru ti ndruparea a interesilor a noasti dinaintea a Prezidentului Traian Băsescu, ahtari turlii s-avem ndreaptă ună andamusu iu s-avemu oară să zburămu ti problemili a Farălji tu un dialog salami cu Năsu.

Andamusea vrea s'eara di aradă, u minduiamu formală, ashi cum s-duchi tu nchisita a moabetilji, cându zburămu ti catandisea a Farălji. Avumu angătanu di scoasimu tu migdani shi angricāmu ti simasia identitară shi educatsională shi apofasea sănătoasă a membrilor a Farălji ta s-hibă pricunuscuts *de jure* ca grup etnic ahoryea.

După aestă cuvendă, dl Teodor Baconschi s-mistică tu moabeti shi shtsă dialoglu cătă ună comunicari dishclisă, sh putu ca prit nascanti antribări, s-aproachi apandisi tsi s-limbizască catandisea a Farălji tu aestă aradă.

Juridicu, fu ascoasă tu miidană gaireatea a Farălji Armăneasca dit Români ti nchirdăsearea statutului di minoritati natsională shi thimeilu dupu nom pi cari s-ndrupashti aestă căftari.

Spusimu că institutsiili ti au borgea s-mutrescă căftărla a Farălji tu nutriră aesti căftărla juriditsi, ama loară tu ziyă mindueri viniti di ma multi pātsă, minduieri tsi nu au axii juridică shi nu pot ta s-acatsă loclu di analiză juridică hasă.

Ta s'cunoască apofasea a noastă ta s-ascapām di la chireari civilizatsia armănească shi atsea că him sumu aputursearea a chiroiui, ālji durusimu a dl Baconschi cartea al Nicolas Trifon, **Les Aroumains - Un people qui s'en va**, ună carti tsi fatsi timbihi ti piridjiul di chireari a populu armănescu.

Ti tsi luyursimu că andamusea di la Pălătea Cotroceni fu un evenimentu di simasii ti noi shi tsi amintāmu cu aestă andamusu?

Prota - ndrupumintul a personalitatiei a domnului Baconschi, cari ngreacă multu ti noi institutsional, prit axiia a lui personala sh profesională.

Deftura - dl. Baconschi ari scupo ti ună achicăsari cu dichi a problemălji a noastă di partea a Prezidentului Traian Băsescu, sh poti s-agiutā ca miletea armănească s-aibă ma bună tih shi s-u făcă tu soni pricunuscută *de jure* shi aprucheată cu identitati ahoryea.

Avem pisti că prit aestă andamusu Fara Armănească trapsi trā ninti calea ti umplearea a scupolui a nostu, ta s-videmu tu bană ti populu armănescu ndrepturli ti lji si pricadu, isa cu alanti populi.

Despre întâlniri semnificative

În viața fiecăruia dintre noi, există anumite momente în care ne intersectăm cu oameni sau circumstanțe social-istorice care dau o forță majoră proiectelor noastre. Aceste întâlniri speciale au darul de a lăsa în urma lor o puternică influență ce poate conduce la împlinirea și împlinirea destinului personal. Asemănător stau lucrurile și în cazul unui popor: anumite circumstanțe și persoane au fost și pot fi hotărâtoare pentru propășirea sau slăbirea ființei istorice a acestuia.

Comunitatea Aromână din România a preluat sarcina istorică de afirmare a identității poporului armănesc ca popor distinct în raport cu oricare altul, iar în bălăia noastră de a păstra și promova civilizația armănească, destinul nostru s-a întretăiat cu numeroase persoane și momente, unele mai puțin semnificative, altele de o importanță majoră pentru noi.

Socotesc că în categoria momentelor și întâlnirilor importante se înscrie și întrevăderea ce a avut loc în ziua de 21 decembrie 2006, la Palatul Cotroceni, între o delegație a Comunității Aromâne din România și dl. Teodor Baconschi, consilierul pe probleme de politică internă al Președintelui Traian Băsescu.

Probabil că pentru mulți dintre noi, dl Baconschi este destul de necunoscut, însă cei interesați de lumea spiritului și a marii culturi știu că dumnealui este un foarte important gânditor al celor divine, filosof, teolog și un strălucit diplomat.

Delegația care a reprezentat CARo și care a avut onoarea să-l întâlnească pe dl Baconschi a fost compusă din Florentina Costea – Secretar General al Comunității, Chirana Darlaiane – avocat, Costantin Caracoti – Vicepreședinte pe Probleme de Învățământ al Comunității, Stelian Damov – Președintele Filialei București a Comunității.

Scopul administrativ al acestei întrevăderi a fost acela de a înainta un memoriu adresat Președintelui României prin care îi solicitam medierea dialogului în vederea schimbării registrului comunicațional dintre organizația noastră și instituțiile statului.

Strategia noastră a fost aceea de a avea o întâlnire premergătoare cu dl. Baconschi pentru a-i prezenta cauza noastră și pentru a-i câștiga sprijinul în susținerea intereselor noastre în fața d-lui Președinte Traian Băsescu și astfel, să construim o atmosferă favorizantă pentru o întrevădere unde să avem posibilitatea expunerii problemelor Comunității într-un dialog direct cu Domnia Sa.

Întrevăderea trebuia să aibă un caracter formal, ceea ce s-a și întâmplat în deschiderea discuției când a fost prezentată situația Comunității. S-a urmărit sublinierea și reliefarea importanței aspectului identitar și educațional, precum și hotărârea de nestrămutat a membrilor CARo de a fi recunoscuți de jure ca grup etnic distinct.

După aceste prezentări, dl. Teodor Baconschi a intervenit și a transferat discuția în zona dialogului și a comunicării deschise, ce i-au dat posibilitatea ca prin intermediul unor întrebări, să primească răspunsuri lămuritoare referitoare la poziția și situarea Comunității în contextul actual.

Din perspectivă juridică, au fost subliniate demersurile efectuate de Comunitatea Aromână din România în vederea obținerii statutului de minoritate națională și a temeiurilor legale pe care se întemeiază aceste demersuri.

S-a evidențiat faptul că instituțiile investite cu soluționarea petițiilor CARo nu au analizat aceste cereri exclusiv din perspectivă juridică, ci au avut în vedere opinii exprimate de terțe persoane, opinii care nu au valoare juridică și nu se pot substitui analizei juridice.

Membrii delegației au urmărit să transmită interlocutorului că armele CARo sunt construirea unei comunicări eficiente cu instituțiile statului, încrederea în valorile democrației și în virtuțile dialogului. CARo consideră că acestea sunt elemente constitutive ale înțelegerii și rezolvării oricărui tip de solicitări adresate organismelor special concepute pentru a ocroti și a apăra interesele fiecăruia dintre noi.

Pentru a evidenția prin contrast hotărârea noastră de a salva civilizația armănească și faptul că nu suntem total supuși sub vreme, i-a fost oferită d-lui Baconschi cartea lui Nicolas Trifon „The Romanians - Un people qui s'en va”, o carte care subliniază iminența pericolului dispariției poporului armănesc.

Ce temeiuri avem pentru a socoti că întrevăderea de la Palatul Cotroceni reprezintă un eveniment important pentru noi și ce am câștigat prin această întrevădere? În primul rând, obținerea sprijinului unei personalități precum dl. Baconschi este pentru noi de o mare însemnătate prin prisma poziției sale instituționale, a valorii personale și profesionale a Domniei Sale.

În al doilea rând, dl. Baconschi are capacitatea necesară de a crea din punct de vedere al dialogului instituțional, un climat favorabil care să conducă la o înțelegere adecvată a problemei noastre din partea Președintelui Traian Băsescu și prin aceasta destinul armănesc să pășească sub o zodie mai favorabilă, într-o ultimă fază de recunoaștere de jure și acceptare a identității sale inconfundabile.

Avem convingerea că prin această întâlnire, Comunitatea Aromână a făcut un pas important spre atingerea țelurilor noastre, de a vedea poporul armănesc un popor egal în drepturi cu toate celelalte.

“Numa *Cuscrărl*i fu multu mintimenu aleaptă. Videmu ninga ună oară aua că armănjli nu sânt conservatori sh că modernismu sh tut tsi iasti nou fatsi parti dit năshi. Colectsia mi hărăsi mult, cu ahăt ma mult cu cât yini di la ună tiniră tsi adusi pi scenă pi ningă hromă, buiauă sh lunjina sh-altsiva dicăt iram noi nvitsats pănă tora; spusi cai iasti locu tsi u ari muiera tu Comunitati, că năsă iasti atsau tsi leagă adetsili di modernism. Iasti ti alăvdari tsi fetsi Luiza , adusi diversitati tu pagina culturală, cu ahăt ma mult cu cât aistă prezentari s'featsi mash cu tiniri armăni. Avu mushuteatsă, hromatică, arădz sh multă tinirami. Pistipsesc ca va agiutată s'ducă tră năinti vrearea a armănjilor ti mushuteatsă. Livendă că nă turnashi tu kirolu cându a noci didea aluni ditu loc sh nu bamboni la nveasta. Deadunu dauă, alunili ditu loc sta ca simbolu ti tihi, ti bana a preachljei, comunicari sh bană tu idyia casă. S'videmu sh altsă tiniri că va nă aducă tsiva nău sh original di la năshi !”dzăsi pana tu soni Adriana Docu.

Profesoara Eva Bozgan : “Dealithea numa *Cuscrărl*i easti multu originală. La numtsăli armaneshti <<cuscrili>> trag interesu sh mutrita la tuts alants cu stranjili a loru. Armănamea ari pirifanjea a stranjiloru la numtsă. Vidzumu că tinira Luiza Popescu shtii mult ghini minduita a armănjilor, numta la armănj esti oara când cathi un sh-alăxeashti naima bunili sh-ma modernili stranji sh paputsă. Potu s-dzac că Luiza mindui colectsia ca ună antreatsiri a cuscrilor, cai di cai s-hibă ma mushată, ma alavdată sh aist lucru fatsi colectsia s-hibă yii sh dip ca realitatea. Mi arisiră fustănjli, sânt purtabili sh pitu căsăbă, a că niscănti sânt ahoryea, pot s-hibă purtati di muieri di ma multi bărni, sh sânt accesibili. Naima ghini s-vădzu cum stranjili moderni tinjisescu arădzli a noasti tu afishu di la Dzălili a Culturăljei: vilendza armănească”.

Mariana Bara mindui că “Fu ună mari surpriză ti mini, anda vidzuiu prota oară colectsia ali Luizi. Ari stilu, ari pirifanji. S'veadi că ea ari puteari sh miraki ti lucru , s'veadi praxeia estetică. Tinjisi publiclu di Custantsa cu lucurlu adratu cu scupo, fronimu”.

Avu sh altsă armănji tsi nu fură ahăt pozitivi ti moda armănească, cătse muzica nu fu armănească ,ama finalu fu armăneashti, altu dzăsi că taha nu fură stranjili armaneshts, altu că moda nu-i cultură!

Ama Luiza nă dzăsi că lo ti tamamu urnipserli, critica sh că va li ndreagă tuti cama ghini di vără oară. Ea va s-agiută armănamea, nu va s'lj aspargă numa, sh caftă s-aspuă mushteatsa cum shtii ea naima ghini,

p r i t s t r a n j i .

Vrets s'vă alăxits look-lu ?

Vrets adiutoru ti trenduri, tipari etc. ?

Pitritsets un mail la luiza.fashion@yahoo.com sh va s'avets itsi anyisats.

Feati armani tsi vor s-păristisească moda ică s'anveatsă ti mushteatsă sh modă

pitritsets un mail ică sunats la numirlu:

0728 43 02 43.



Spiru Fuchi

BANĂ SHCRETĂ

Nă fugu anjli, unu cathi unu,
spilânda-nă măduua s-nu avemu amintiri,
pritu cāljiuri vimtulu află mashi Armănj
shi frândză uscati umti tru asimi.

Vimtlu aurlă ca pushtashlu zurlu,
shi-adutsi pi ayănjoru cārts di diparti,
si tucheashti shi-adresili nu li-află
sh-armănemu-mproshts cumu casili asparti.

Află asteslu firid fără geami
shi lampi curculânda ca yisi aplicati,
ncialji minteshili shi mănushili di brondzu
iu s-li alasă măratlu, mesajili scriati ?!

Noi păshtemu armashilj tru cupia a chirolui,
experientsa tru suflitu ca absurdu si stricoară,
ia, yini vimtlu pri anarga cumu unu aushu
s-nă aducă cārtsăli tsi nu li lomu vărñãoară!

POEZIA A MEAUĂ

Ca cometă
tsi poartă pri năsă
energia termică,
yinu diavărliga
a planetăljei aratsi
a Armănjloru!

Poezia nu mi-alasă,
ma digeaba nu mi-alasă
s-fugu di traectsia
a meuă luyărsită
s-agudescu ti moarti
loclu a Armănjloru
că elj inshishi-u-asparu
planeta a loru!

LIPSĂ GENETICĂ

Tini dornji. Ai cădzută tu somnu greu.
Mini tsă li shitu yisili,
tsă li alegu.
Sh-tru somnu nu ti-acatsă loclu,
ti mini nu mindueshti.
Tru atseali locuri iu ti-aflji
nu escu io tra s-tsă declaru existentsa.
Atsia iu eshti,
caltsi pri cinusha a oasiloru,
pri lutsiafirlji tsi sântu curmats
di gravitatea orbitală,
ni alăsats iuva urmă
canda lă lipseashti a-astimtsăloru
codlu geneticu.

ADUTSERI AMINTI DITU MAKIDUNII

Tu Makidunia vāryārească, tu hoara Bakitsa, a noshtsă eara aclo di cându s-asparsu Gramustea. Fudziră ditu muntsălji di Gramos shi s-minară tru muntsălji di Rodope, di Rila. Hoara eara ashtirnută analtu tru munti la vārnă 1800 di meatri. Tutu aclo s-afla nica doauă hoari armăneshtsă : Caramandra, di iu eara mana, shi Sufanlu. Nj-aducu aminti cā mi loa mana di mănă shi nidzeamu Caramandra, la soea a ljei.

Dada-mea eara di ună mari soie, cu oaminj nicukiri shi avuts, Celnits, Kihăeadz. Oaminj avdzāts ! Unu protu cusurinu di a ljei fu loatu di furi cari pitricură hābari a tată-sui s-aducă paradz tra s-lu sālāghească. Shi lalā-su, cu un nipotu di a lui s-dusiră cu paradzlii la furi. Eara prindu Pashti. Furlji lā loară paradzlii shi vātāmară ficiorulu shi pi elji doilji. Avea ishită shi-unu cânticu:

"Tashu alu Stila,

Cu Stila nipotu-su,

Lloara calea nsus,

Prindu Grailu Mari", etc.

Shi fendu-su ali dadi nu putu s-ascapă di aestu caimo. Dupu patrudzats di dzăli muri. Shi armasi dada oarfană di tată.

Tutu ashi nj-aducu aminti cā mi anyisamu cā azbuiramu pisti pādurlu di bradz shi di kinji. Shi nj-eara mari frică s-nu cadu. Mi dishtiptamu lăhtārsitu. Sh-dada, ninga cari durnjeamu, mi-antriba: **"Tsi ai puljlu-ali mani ?"** Sh-mini lj-aspuneam yislu. Ea-nj dzătsea: **"Easti bunu yislu, ficiorlu-ali mani. Va s-agiundză Kihăie, Celnicu, ca pap-tu shi ca fendu-tu".**

Prindea s-aveamu trei-patru anji.

Naintea-a mea s-avea amintată doauă feati.doauă surori . Paplu sh-tuts a lui vrea s-aibă shi un ficioru, cari s-lă poartă numa. Ashi eara adetea sh-vrearea, la Armănjlii a noshtsă. Dealieha easti cā sh-la alti milets,



Iancu Perifan njicu ficiuricu deadunu cu fumealjea

vidzuiu shi vedu shi astădz, cā armasi aestă vreari. Sh-căndu mi-amintaiu mini, fu mari harauă Nu shtiu cāts birbetsă tălie paplu, a tută hoara fu cālisită pi prăndzu.

Mi-amintaiu tru câmpul di Kavala, tru Makidunia Gărtsească, tu ahurhita a prumvearăljei, aclo iu s-afla a melji tră irnaticu. Tu meslu Martsu, anlu 1923 . Dzua cându mi-amintaiu, nu u shtiu, ama shtiu cându mi pătizară, Cavacli, tru Văryării, tu 24-li di Martsu. A noshtsă eara pi cali. S-alina tu munti, ishea ditu irnaticu.

Tsănu minti, cā mi dutseamu cu tati la cāsheari, la stani cari nu eara alargu di hoară. Cāshearea lucra lapti di la dzatsi njilji di oi (a noasti eara vārnă dauă njilji). Sh-aclo Cāshearilji nj-adra pulju di cāshcāvalji. Tri ficiorulu a Kihăelui.

Di njicu, earamu lăndzitu. Nu puteamu s-u ljau disupră. Mi-alăgară la yiatsră, la moashi,etc.Vārnă buneatsă ! Paplu, atumtsea dzăsi: **"Niculachi-alu tati- lja nveasta sh-ficiorulu shi s-va dutsets Rila, la Mănăstiru".** Rila eara multu avdzătă. Sh-astădz easti avdză. Avea Hramlu ti Ayiu Yiani (7-li di Yinaru). Paplu avea adetea di s-dutsea cathi anu cā eara shi numa a lui. Eara cunuscutu aclo. S-dutsea cu una cārvani di calji, ancārcats cu măcsuli (cashu, cāshcāvalji,

carni di oi, păstrăma, lapti tu foali, etc.), lână, yiambuli, sats, etc. Di tuti tsi lipsea la Mănăstiru .

Sh - a t u m t s e a , t a t i c u m a m a , s'andreapsiră s-ducă tră Mănăstirlu Rila, ashi cumu s-dutsea paplu. Va s-eara la anlu 1925. Mănăstirlu easti tru munti. Shi, cu caljii ancărcats, mana năinti pi calu cu mini tru disaga, aspindzurată di sumarlu a calui shi tati dinăpoea a cārvaniljei. Kirolu, iarna, neauă, calea gljetsu, cāljury di munti...Di-ună parti munti, di alantă parti gremlu. Sh-calu din capu, pi can eara mama cu mini, ascapa ciciorlu di dinăpoi, nghios di cali, cātră gremu... Tati limnusi... Aurlă : **"Dumnidzalimu!** Sh-calu putu sã-sh tragă ciciorlu s-lu-aducă-n cali.

Shi tati îl dzătsi ali dadi: **"Mljeare, fliciorulu va s-facă ghini. Dumnidza, easti cu noi"**

Tati eara unu omu pistimenu, **"Homo religiosu"** Dyivăsea multu Cartsă di Băsearică. Elu nu featsi multă sculie, ama avea multu mirachi ti carti. Featsi ndoauă clasi primari la sculia vāryărescă.

Paplu, urnipsitu shi di lali Yioryi, fratili ma mari alu tati, nu vrură sã-lu da la sculie. **"Va s-chiremu fliciorulu, tu xeani. Shi s-nă măcă xenilji paradzli ! ? "** Ashi pistipsea elji atumtsea. Avea shi tsiva dealihea tu tută aestă muabeti... Shi tati armasu acasă, tra s'facă Celnicu, fără sã

s-ducă la sculie. Ama advivasea multu Cartsă di Băsearică.

Shi cumu vā dzătseamu, neasimu la Mănăstirlu di Rila . N-ashtiptară multu ghini, cã shtea ca ineamu di la "deadu" (paplu) lancu Perifan. **Nă turnămu acasă, sh-mini u loaiu disupră. Cafi dzuă mi fătseamu ma ghini.**

Bana tru Makidunii tră Armănjilji a noshtsă, cātu fu Turcul, fu bună, lishoară, efcula. Elji eara Domnji pi tutu Balkanlu. Nu shtea di sinuri, nu pâltea mari borgi la Turtsă

Di la anlu 1913, cându România

ampărtsă Makidunia dupu Acăchisearea-Irinja di Bucureshti, bana s-alăxi. Agiumsi greuă, cu pidimadz.

Cându tritsea sinurli, pâltea ti cathi pravdă sh-ti cathi omu ! Sh-cându dipunea la irnaticu, sh-cându s'turnatra s-ducă tru munti, prumveara. Sh-atumtsea oaminilji s-minduea s-fugă, s-ducă tu locuri ma buni : America, Canada, Avstralia, iu eara cupii di suti di njilji di oi. Icã tru Români

S- fătsea multă propagandă t i dutsearea tru Români. La noi nu fura sculii romăneshtsă. Aesti fură mashi Sufii sh-Giumaiaoa. Ma niscăntsă shtea, s'avdza ca ficiorilji cari bitisescu Liceulu s-ducu

Studentsă tru Români. Sh-anveatsă tehni fără paradz.

România, s-dzătsea, da locu, cāti dzatsi yictari shi agiutoari tra s-adară lumea casi sh-tra s-lucreadză loclu. Shi-aesti hăbari, agiumsiră sh-la noi, la hoarili a noasti. Tru muntsălji di Rodopi shi Rila.

Shi-atumtsea s-featsi ună delegatsii di Kihăeadz ditu hoară .

Tu delegatsii, eara tati, lali Yioryi, fratili alu tati, Tega sh-Costa alu Shaguni. Shi s-dusiră tru Romani. Di-aclo, cu Studentsă cari azbura Limba Romănească (cã a noshtsă, Kihăeadzli, nu acăchisea Limba Romană) dusiră s-veadă iu va Romania sã-lj colonidzeadză. Alăgară hoari ditu Cadrilateru, hoari Anturtteshtsă, Văryăreshtsă, Tătăreshtsă. Lj-arisiră hoarili Văryăreshtsă. Shi-ashi aleapsiră Cainargeaoa Mari. Atselji ditu Caramandra shi Sufanlu, aleapsiră sh-elj Cainargeaoa Njică (iu s-featsi irinea-pacea a Rushlor cu Turtsălji, la 1877) nu alargu di hoara Cainargeaoa Mari.

S-turnară Bakitsa shi ahurhiră s-andreagă tră calea di Români. Tati, tri optudzătsili di fumelji tsi lucra la elu, lă ascoasi pashaporti-tishkirei !

Ună hăbari loată ditu dzuarlu “Evenimentul zilei”, 30.11.06

Armănlul Dimci Feca di Custantsa, a curi fumealje s-tradzi ditu Makidunia văryărească, caftă să-lj si toarnă, ună cumată ditu avearea străpăpănjloru: 15.00 di hictari di păduri ditu Muntili Pirin ditu Văryărie.

Muntili Pirinu easti doilu munti ca năltsimi tu Balcanu.

Străpăpănjli alu Dimci Feca, di partea a dadăljei, bănară, aoa sh-cama di 150 di anji, tu hoara Bojdovo, regiunea Sandanski, adză tu Văryărie.

Estanu, tu ahurhita di Brumaru, Dimci Feca pitricu aestă căftari la giudicolu di Sandanski. S-pari că s-featsi mari shimătă cu aestă căftari, maca multi dzuari ditu Văryărie anyrăpsiră ti aestu lucru. Ashi cumu anyrăpseashti dzuarlu “Trud”, documentulu tsi Dimci Feca lu-ari aflată tu ună arhivă di Viena (documentu tsi ari vula alu Grigorie, mitropolitu di Melnic, tu 24-li di Cirisharu 1835), aspuni că easti zborlu di 60.000 di hictari, avearea tsi u-avea străpaplu alu Dimci Feca, chihăelu Mihali Mishu.

Tu Văryărie, aestă căftari easti luyursită ca unu dealihea recordu, maca până tora, mash văsijelu Simeon putu di apruche (di la chivernisea di adză ali Văryărie) 1.500 di hictari di păduri ditu Muntili Rila.

Ama, nu mashi Dimci Feca easti atselu cari s-alumtă ti cumata ditu avearea străpap-su-lj, ndreptu tsi-lj si cadî. Altsă doi strănipots alu Mihali Mishu, Hrista Shamata sh-Steryiu Tanasi, cu idyli căftări, protlu caftă 27.000 di hictari di păduri, defurlu 17.000 di hictari.

Lali a loru, Steryu Cusha, avea cārtsăli originali, anyrăpsiti tu limba arabă sh-tu cari să-nyrăpsea că străpap-su Mihai Mishu avea ciuflichî/proprietăts di dzats di njilji di hictari di păduri tu Muntili Pirin. Aestu documentu easti apridusu shi autenticatu/ cu vulă tu limba văryărească shi clirunomilji alishteî mări aveari s-ampulisescu di la 1992 să-shi amintă-ndreptulu.

Ama, cumu s-veadi lăyuria, tihea alu Dimci Feca, ta s-aproachi aestă cumată ditu avearea străpap-su-lj, easti multu njică. Documentili ditu atselu chiro (anlu 1835) nu mata s-află tu arhivili ditu Vărgărie, sh-dapoaia, ashî cumu u dzăcu sh-functsionarli di la Ministerlu ti Ayricultură ditu Văryărie, tuti documentili tsi s-ari faptă tu chirolu cându Văryăria nica s-afla sumu Turcu, aestă va s-dzăcă ninti di anlu 1878, nu mata au puteari legală tu unu procesu di turnari a aveariljei.

Tu idyea catandisi s-află sh-altsă armănji tsi tora băneadză tu Rumăniî, ama străpăpănjli a loru bănară tu atselu chiro tu Machidunia văryărească.



Kira Iorgoveanu-Mantsu

JEAN-LUC FAUCONNIER

Aestă veară avui haraua s-mi-adunu shi s-lu cunoscu Jean-Luc Fauconnier.

Ligătura cu aestu mari omu european u featsi profesorlu Vasili Barba. Elu avea avdzătă di rivista *mic Romania*, multu tinjisită tu lumea anvitsatsloru di lingvistică, romanistică shi editată di Jean-Luc Fauconnier...

Di multsă anji Jean-Luc

Fauconnier pitreatsi la Centrulu di Studii Armăni di Freiburg aestă rivistă shi prof. Vasili Barba alj pitreatsi *Zborlu a Nostru*... Shi-ashi s-featsi că Jean-Luc Fauconnier, editoru di litiratură anyrăpsită tu limbi latini ma ptsănu zburăti, cunoscu litiratura armănească... Duchi că tu limba-a noastă s-anyrăpseashti litiratură intirisantă, ahoryea di-atsea tsi urdină adză tu Europa... Di levelu european, mplină di dureari etnică, ama shi modernă tu idyulu chiro... Shi-ashi s-featsi că tu ma multi numiri di *micRomania* tipusi litiratură armănească:

la 1999 alānci unu musheatu volumu di Matilda Caragiu Mariotseanu - "**Di nuntru sh-di nafoara**", tu trei limbi: armână, română shi frântsească.

La 2005, tu numirlu 1, tipuseashti: proză di Mariana Bara ("Călisits ti concertu") shi poemati di: Matilda Caragiu, Spiru Fuchi shi Kira Iorgoveanu-Mantsu.

Ari nădia s-tipusească ună Antologie a poeziljei armăneshtsă di adză tu editura micRomania shi aoa shi-ashi ahurhiu aestu lucru...

Aestu anu profesorlu Jean-Luc Fauconnier umplu 65 di anji.

Niheamă amānatu, vremu, cu-aesti ptsăni zboară, s-lu tinjisimu trā lucurlu tsi lu fatsi di multsă anji tu ună dumeni cari, trā noi, Armānjilji, easti di multu mari simasii: agiutarea tr-armănearea tu bană a limbiloru latini ma ptsănu zburăti ditu Europa.

Ună shcurtă mutreari tu bana mplină di lucru niacumtinatu a profesorlui tsi lu tinjisimu:

- s-amintă tu 18-li di Yinaru 1941.

- licentsiatu tu Filologia romană, fu profesorlu di limba frântsească shi valonă, Charleroi, di la 1963 până la 1988. Di la 1989 până la 2001 tsānu cursuri mashi di limba valonă.

- 1988-2006 - fu atashatu la Cabinetlu a Ministrului Prezidentu a Comunitatiljei Wallonie-Bruexelles - trā limbili regionali

- 1988-1992 - riprizintantu ali Belgie tu Comiteltu di expertsă di la Consiliul ali Europă trā ridactarea/anyrăpsearea a Cartiljei europeani trā limbili ma ptsănu asprānditi

- di la 1993 easti Prezidentu a Consiliului a Limbiloru regionali a Comunitatiljei Wallonie-Bruexelles.

- 1992-2005 - Administratoru shi Vice-Prezidentu tu EBLUL - Biroulu Europeanu trā limbili ma ptsănu zburăti.

- di la 1990 easti Prezidentu a Comiteltui belgianu trā limbili ma ptsănu asprānditi (CROMBEL) shi editorlu a rivistāljei *micRomania* - tsi alānceashti la trei meshi shi tipuseashti litiratura di adză tu limbili latini regionali. Tutu tu-aestă editură tipuseashti aleapti cārtsă di lingvistică romanică.

- easti Prezidentu la Sutsata Litirără Valonă di Charleroi, membru la Sutsata di Limbă shi Litiratură Valonă (SLLW), membru tu Comisiunea vāsīljască belgiană trā Toponimie shi Dialectologii; responsabilu trā cursulu di limbă valonă di la *Maison du Hainaut*,

vice-prezidentu a casāljei carolingiani trā adets/Traditions - *Èl Mojo dēs Walon*.

Dealihea ună bană-mplină di lucru ama, putemu s-dzătsemu, sh-di-alumtă... Că lucurlu trā cari Jean-Luc Fauconnier shi-ncljină tuts anljji shi putearea fu dhurusitu a limbiloru latini ma ptsănu zburăti shi cari, adză, tu Europa, suntu tu piricljiiu... Limba-a lui vrută sh-tinjisită, valona, ama sh-tuti alanti cari li tinjisi shi li scoasi tu lunjină: catalana, romansha (retoromana), corsa, francoprovensala, ladina, friulana, armăna...

Dāmu-ndoauă di minduierli-alu Jean-Luc Fauconnier loati ditu unu articulu anyrăpsitu ti catandisea limbiloru regionali ditu Belgia shi va s-videts cătu s-uiduescu sh-ti catandisea a limbăjei a noasti:

"Tu chirolu tricutu, limbili regionali eara luyursiti ca dialecti, dzāsi "patois". Trā niscāntsă, aesti idiomuri andirsiti/arshinoasi prindea s-cheară cătu ma ayonjea; trā altsă, agiundzea s-hibă alāsati s-moară singuri, di moarti bună (...) Nu cārtsāli, rezolutsiunli, nomurli tsānu limbili tu bană. Aesti suntu unu lucru bunu cāndu easti zborlu trā avigljearea a limbiloru multu-asprānditi - ca frāntseasca, italiana, spaniola, ghermana - tra tsānă cheptu la aputursearea lingvistică anglo-saxonă. Ama aestă politică nu easti uidusită trā limbili regionali; aesti limbi au ananghi, dupu turlia di piricljiiu tu cari s-află, di ună politică lingvistică ahoryea/spetsifică. Tuts cari cilāstāsescu tr-aestu lucru luyursescu cā singura ascāpari di "lunga lāngoari" easti bāgarea alushorlu limbi tu sculii shi tu mass-media. Mashi anvitsāmintulu va s-dānāsească aestu procesu di-astindzeari (...)

Nu easti zborlu aoa tra s-ahurhimu muabetea desi easti anaghi di unu ahtari anvitsāmintu shi tsi hāiri poati elu s-aducă. Prindi s-pistipsimu cā aesti limbi suntu ună aveari lingvistică ninti di tuti shi studiarea a loru easti ună dealihea avutsari culturală. Ama aestă studiari a loru nu prindi s-lja loclu la-atsea tsi easti di ma mari simasii trā eali: anvitsarea loru tu sculii."

Interviu cu Jean-Luc Fauconnier

Tinjisite Jean-Luc Fauconnier, vā cunushtemu arhundulu lucru tsi lu-adratu tu dumenea anvitsāmintului, culturāljei shi a tipuseariljei a litiraturāljei anyrăpsiti tu limbili latini ma njits, regionali. Lucurlu tsi lu-adrats di ună bană trā ascāparea di la chireari a limbiloru latini ma ptsănu zburăti tu Europa – easti ti tinjiseari. Di iu vā vini sinferlu ti-aestă dumeni cari easti tu idyulu chiro lucru shi-ună dealihea alumtă? Naca ti furnjie pesonală, ligatā di zārtsina etnică di cari vā trādzets?

Avui tihea s-amu ună praxi/educatsiuni bilingvă: pārintsālji a melj azbura valona – limba a noastă regională – shi frāntseasca – limba oficială a cratlui Belgia. Tati a meu fu romanistu, featsi studii di dialectologii shi ari ună arhundă operă anyrăpsită tu valonă. Adavgu cā pāpānjilji-a melj avea unu cāfine/"brasserie" shi mini, ca cilimeanu, tritseamu multu chiro aclo – shi eara ti mini dealihea unu locu mayicu iu limba valonă eara aproapea singura uflisită tu muabets. Aestu lucru agiută multu la fitursearea tu mintea a mea a ideiljei di apārari alishte yishteari lingvistică. Chirearea a limbāljei valoni eara ntr-ocljilji-a melj ună cheardiri fāră aradhă trā locurli a noasti. Pricunoscu cā militantismulu a meu fu ninti di tuti lingvisticu ama easti siyuru cā imnă deadunu cu militantismulu politicu. Cu-alti zboară, voiu s-dzācu cā mini minduescu cā nai ma bunu easti federalismulu cari ahurhi s-acatsă locu tu Belgia, acā suntu nica multi lucrī ti-ndridzeari...

S-azburashti adză multu di globalidzari tu tuti dumenili:

economicu, culturalu shi, nu dipu tu soni, lingvisticu... Ari tutu ma multsă oamini anivtsats ditu tută dunjeaua cari nu vedu ghini aestă globalidzari, ama s-veadi limbidi că easti greu s-ancheadits, s-dănăseshsă aestă minari tsi easti andrupătă di mārli forsi economitsi. Fără di-altă: globalidzarea economică adusi shi-atsea lingvistică: asprāndearea, ufilisearea-alargă a limbāljei inglezi adusi scādearea alāntoru limbi di mari simasii, ca s-adutseu aminti frāntseasca, tsi eara limba franca tu eta 19.

Tsi locu potu s-aibă limbili ma ptsānu zburāti, regionali tu unu ahtari chiro? Nu vā si pari di multi ori că easti ca alumta cu Goliath?

Bilingvismulu a meu valon-frāntseanu mi dusi la alumta trā apārari, pi planlu internatsionalu, shi a limbāljei frāntsească cari cheari multu di cāndu ahurhi ufilisearea monopolistică a limbāljei inglezi. Easti dealihea că la multi adunări, congressi trā limbili regionali s-azburashti tu limba ingleză...Tr-atsea mini hiu di partea atsiloru tsi voru s-bagă thimeljiu la unu "frontu romanu/latinu" cari s-apāră tută clirunumia latină. Multilingvismulu poati s-bāneadză tu Europa shi mini hiu etimu s-apāru pripunirli a comisarului european Viviane Reding: s-bāgāmu tu practichi limba regională ninga atsea di cratu/oficială shi s-adāvgāmu la aestu bilingvismu "naturalu" ufilisearea a limbāljei inglezi. Easti ună cali cari s-uiduseashti la catandisea economică shi culturală di adză.

Cunushtets ma multu di altsă tu tsi catandisi s-află limbili latini ma ptsānu ufilisiti/zburāti tu Europa. Antrebu mashi di limbili di zārtsinā latină că anamisa di eali easti shi limba a noastă.

Cumu potu s-armānă tu bană aesti limbi aputursiti, aproapea stulcinati di anamea, pirifanĵea a surāriloru "ma mări" latini: frāntseasca, italiana, spaniola, romāna? Cumu putemu s-dishtiptāmu sinferlu ti limbi ca: retoromana, provensala, valona, corsicana, ladina, armāna?

Adză easti ună sānātoasă minari tu lumi di apārari a tutu tsi tsāni di bana a noastă "naturală": biosfera... Ama, tu idyiulu chiro, ari shi ună minari di ascāpari shi-aviglĵeari a culturālĵei, acă easti materială i nimaterială. Amārtie easti că multsă agārshescu că limbili suntu ună aveari nimaterială shi prindi s-alāximu aestă minduiari.. Nu easti lishoru. Easti ma lishoru s-aspujĵi a oaminĵiloru tsi piricljĵiu adutsi tālĵearea a pāduriloru tu Amazonia, gulearea di-aveari a amāriloru, surparea a pālātsloru di Vinitie... Ama, cumu s-l-azburāshtsă di stindzearea dzuā di dzuā a limbiloru ma ptsānu asprānditi?

Nu di multu, tu unu dzuaru di Belgia,tu-ună frāndzā-ntreagă s-anyrāpsea trā moartea a unāi baleni... ama mashi trei arādārichi spunea di moartea atsilui ditu soni zburātoru di ună limbă ditu Australia...

Niscāntsă zburātoru di limbi latini regionali minduescu că cheardirea lingvistică agudeashti mashi limbili "exotitsi", ama s-veadi că nu mash eali suntu tu mari piricljĵiu. S-veadi că iutsido s-featsi alathusi la dusearea nāinti a limbiloru latini regionali: azburarea a loru mash tu fumealĵe. Adză, dusearea nāinti alushtoru limbi poati s-facă mash pritu sculie shi amārtie easti s-videmu că anvitsāmintulu a limbiloru regionali – sh-ama multu atsiloru latini – nu easti nica ghini bāgatu pi-aradhă. Nai ma marea parti a limbiloru regionali suntu ditu idyia fumealĵe lingvistică cu limba oficială cari easti-nvitsată tu sculie. Avemu shi-altu cheadicu: di furnĵia a sinferlui politicu, limbili regionali suntu hyursiti ca "dialecti" a atsiloru oficiali. Aestă catandisi a limbiloru regionali latini adutsi deapoaia cheaditsi tu practica pedagogică/di-nvitsari. Ti paradiymă:scularilĵi tsi s-ducu la sculii di limbă frāntseacă (oficială) nu-nveatsă limba valonă cumu

lipseashti, ama canda easti limbă xeană.Tr-atsea easti ananghi di cāndāsearea a specialishtsāloru di-nvitsari a limbiloru s-bagă pi-aradhă ună pedagogii ahoryea/specifică cari s-poată s-hibă ufilisită ti vāră dzatsi limbi regionali latini. Aestu poati s-hibă unu musheatu poiectu tsi s-lu finantseadză Uniunea Europeană.

Multsă dzācu (chiola anvitsats lingvishtsă multu avdzāts) că tsānearea tu bană alushtoru limbi easti unu cheadicu trā normarea/bāgarea tu cālupi a limbiloru litirari... Aestă turnari cātă limbili regionali - cari nu au nica ună anyrāpseari standardidzată shi-au shi-eali "dialecti" - naca easti ună xichi di progresu? Naca easti unu "regresu"?

Dealihea easti că tr-anvitsarea a limbiloru regionali shi tr-asprāndearea a litiraturālĵei tu-aesti limbi, easti ananghi di ună aradhă, di "normalitati". Easti unu lucru multu complexu ligatu di standardidzarea loru. Mini vidziuu că tu locurli iu nica suntu zburāti limbi regionali, "koinēs" s-developară naturalu shi-agiumsiră s-hibă ufilisiti ca limbi litirari. Unu lucru ti cari va zburari easti: sistemlu di anyrāpseari/transcriari. Prindi s-fudzimu alargu di unu sistemu di standardidzari "artificialu"/niundzitu cu noima a limbāljei. Unu ahtari sistemu di transcriari ti limba valonă lu bāgă pi-aradhă Jules Feller.

Cu furnĵia a lucurlui la organismili europeani anvitsatu sh-di catandisea di adză a armānjiloru shi-a limbālĵei armāni. Limba armānească bāneadză adză ună dealihea renesansă... Cathi anu alānescu rivisti, cārtsă, tu tuti vāsiliili iu bāneadză armānjilĵi. Ari ună "elită" di anvitsats armānji cari-nyrāpsescu armāneashti shi cari suntu cāndāsits că adară cultură di tesi europeană. Ama, nai ma marea parti a armānjiloru nu pistipseashti tu-aestă puteari a limbālĵei di xananyiari, di ufiliseari a lĵei tu tuti dumenili di bană... Cunuscānda ahāntu ghini catandisea alāntoru limbi latini regionali ditu Europa (tsi undzeashti cu-a limbālĵei a noasti), tsi putets s-lă dzātsets armānjiloru cari va v-adyivāsească aesti arādārichi?

Avuiu marea tihi s-amu profesoru unu mari romanistu: Albert Henry. Elu dzātsea daima că tu dumenea a limbiloru latini ari ciudii, thamă lingvistică: zburātoru cari-shi tsānură limba acă bānară tu ună catandisi politică multu greauă, urută... Shi daima lĵ-adutsea aminti Armānjilĵi...

Minduescu că tuts armānjilĵi prindi s-luyursească ciudii/thamă lingvistică. Fără di-altă, anvitsatslĵi duchescu aestu lucru shi ducu limba ma nāinti – azburānda shi-anyrāpsinda – ama prindi ca aestă ducheari s-s-tindă shi la-alantsă armānji... Aoa easti lucurlu. Shi easti lucru greu la armānjilĵi ti itia că elĵi bāneadză tu ma multi vāsiliili shi suntu iutsido minoritari... Prindi s-s-bagă thimeljiu la unu organismu, la Uniunea Europeană, cari s-lucreadză trā apārarea shi promovarea a limbiloru shi a litiraturālĵei a "limbiloru fāră statu".

Tr-atsea hĵiu pi idyia mindueari a profesorului Alber Maquet, unu mari scriitoru tu limba valonă, cunuscātoru bunu a litiraturālĵei italiani shi-atsiloru regionali latini. Elu luyursea că asprāndearea a litiraturālĵei tu limbili regionali latini prindi s-s-facă tu editsiuni bilingvi:atsea daua limbă s-hibă ună cari ari mari ufiliseari...Tr-atsea easti ananghi di agiutari, finantsari oficială, că nu para ari multsă editori cari au puteari economică s-tipusească ahtāri cārtsă bilingvi.

Lă oru la tuts ārmānjilĵi s-luyursească ashi cumu dzātseamu mandzeană: ună ciudii/thamă.. Unu miracolu!

Kira Mantsu – 20.11.06

13.10.2006

Simpozionul: Perenitatea a vlahilor tru Balcanj,
istorie, cultură shi civilizatsie armânească

COMUNICARE: prof. NEAGU DJUVARA

Ari 16 di anji di anda mi turnai tru Români. Că escu di orighini armânească dit punctul di videari a fumealjei Djuvara, cântată tru ma multi cântitsi populare armăneshtsă shi gârtseshtsă tu etili XVII – XVIII, ama noi him aoa dit 1770. Tricură di atumtsea 140 di anj, dimec s-mi ljtats ma s-agârshii dialectul. Ama avui sinferu ti istoria a aishte parti a romanitatiljei orientali. Catandisea featsi tra s-am shi alti arădătsinj armăneshtsă. Născănti, nu fără thimelju... (*neîntămplători*) cătse tru protili bārnuri cându yinea la noi, dimec Djuvāreshtsālji a melji, s-dusiră prota Brashov, protlu bārnū. Ama ună sh-ună dipusiră tra s-adarā tugireti Muntenia, avea casi Barshov ma sh-Bucureshti. Di cara ncurunārli s-fătsea un alantu, tru a lor fară, him soe cu familia Tulia di dauā ori, tsi avea doi yiatsră tru eta XVIII. Nicolae Mavrocordat tsi anvitsă Halle, tu Germanii ică Padova tu Italii, cum fu afendă-su, omli cu anami, Alexandru Exacoritlu. Tut di partea Djuvara am ună ascendantsă cu dr. Procopie Pamberi cari fu pitricut sh-nās di Nicolae Mavrocordat s'adarā studii Padova sh-deapoa fu yeatru la Spitalu Coltsea sh-maca multu chiro fu nsurat cu ună chihāljoanje Bārbătescu, descendental purtă numa Bārbătescu. Shi maia al Trandafir Djuvara, paplu a meu eara Bārbătescā, ma ti dealihea eara Procopie-Pamberi di la Bārbăteshtsālji. Sh ti ciudii easti cā sh-di partea a dadālji a mea tsi eara dit chihăeadz veclji, Grădishtenjlji shi aclo am naima putsān ună ică dauā ascendantsi macedo-române. Prota easti Bellu shi deftura, aestă nu-lji acatsă ghini a domnului Bălăceanu Stolnici shi nicuchira al nās, Lisbet Hagimoscu... Iorga u ari spusă cā protlu Hagimoscu, strāpap ali Lisbet Bălăceanu eara armān. Ama aeshtsă Hagimoscu sāsputea grets dit nisi, adushi sh-bāgats tru scară analtă di chihăeadz di cātră Venetsia. Io minduescu cā eara macedoneanj, putea s-hibă faptsă chihăeadz di Venetsia ama di itia cā yinea dit un cāsābā dit Makidunii iu avea multsă vinits di Moscopole di cara avea arsă cāsābālu, cā shi spusiră *Hagi* tsi eara numă multu arāspānditā la armānj. Io minduescu cā aestu prot Hagimoscu eara armān, ama cu semnu di ntribari.

Aesti suntu furnjiili ti cari avui sinfer s-caftu shi s-lucredz di multu chiro ti aestă etnii shi aoa ari cābilea s-lji cārtescu niscāntsă di aoa tsi zburāră nintea a mea anchisindalui di la notsiunj juriditsi.

Dimec, cā romānlu - zburāscu di nvitsatslji romānj - ari adetea s'mintescă limba cu natsiunea, dimi cu natsionalitatea. Pistipsescu cā mashi romānjli tu Europa dealihea luyursescu cā tuts atselji tsi zburāscu romāna suntu romānj sh-cā pi thimeljilu a aishte limbă există natsiunea romānă.

Em, ma sās nedz s'vedz shi s'studiedz dreptul shi va s-ntreghe tsi easti ună natsiuni? Natsiunea easti ună

parei/grup di oaminj tsi au un tricut deadunu. Shi francezli spun cā au ună vrearī tra s-reprezintă ună comunitati. Sh-ma s-u studiem Europa, shi macsus Europa dit Ascăpitatā, nitsi un di statili mări dit Europa dit Ascăpitatā nu ari la thimelju unitatea di limbă. Francezli ninti di Revolutsia francezā avea vāră 6-7 limbi ahoryea! Limbi nu dialecti! Bretona eara ahoryea, provensala eara ahoryea, catalana eara ahoryea, flamanda eara ahoryea, limba germanicā dit Alsacia eara altutsiva. Cu tuti aesti tora suntu ună natsiuni singurā/goalā sh-tsi vor s-armānă deadun, ama tru

Frantsa avea ninti di 1789 ma multi limbi. S-nu zburāscu di Elvetsia iu ari patru limbi. Tru Spania - idyea, ma multi limbi, tu Anglia idyiul lucru cu celtsālji.

Dimec, s-nu alātusim limba cu natsiunea. Natsiunea easti un tricut deadunu shi vrearea ti bană deadun. Taxiratea fatsi cā aestă unitati lingvistică a romanitatiljei orientālă fu ampārtsātă di istorie, atsea turlii cā vārñaoara cumata / portsuinea armânească tu sud di Dună nu lo parti la istoria a atsilor di la nordu di Dună. Dimec, cara cu chirolu ahurhiră s'yinā dit atseali locuri tru Romāni shi s-uchiră multu ma lishor natsionalizats andicra di alantsă tsi s-dutsea tu Austria i tu Ungaria ică tu Polonia. Dimec fură fumelj cum Bellu, Mocioni, Sina cari s-dusiră prota tru Ungarii, ma s-ducea cu suflitlu ma aproapea di romānji cătse limba eara aproapea. Aestă easti orighinea. A, deapoa atselji tsi viniră tru Romāni s-uchiră romānj ună sh-ună. Ma noi, zburāscu di romānjli dit nordu, dacoromānjli sāshtits cā nu-lj luyursiră ună sh-ună ca romānj. Io shtiu dit experienta dit fumealjea a mea. Cându fratslji a strāpaplui a meu tru 1858 - un di elji Trandafir Djuvara - s-prezentă / sāsputi ca deputat, vini adversarlu conservator tsi dzāsi: "*em nu-i romān*". Aestă dusi sh-la protseslu dit '58 tra sās spunā prota cā fara a lui avea vinită cu 50 di anj sh-cama ninti di Regulamentul Organic. Ashi spunea Regulamentul Organic cā elji pot s-hibă romānj, mashi cara vrea s-eara vinits cu 50 di anj ninti di Regulamentul Organic shi sāsnsura cu muljearea di aua. Ma putu di deadi giuiapi ti aesti dauā lucrī, fu luyursit romān shi fu aprucheat / autorizat s-hibă deputat tu 1858 shi s-hibă un di atselji tsi-l votarā Al. I. Cuza ca domnitor tu Muntenii. Videts dimi cā mentalitatea tu atsel chiro tu mesea di eta XIX nu-lji luyursea *cutsovlahilji* ti romānj. Aestă vini ma amānat, cu Bolintineanu, agiumtu ministru al Cuza. S-alāxi niheamă mentalitatea shi nās himusim s-lj-agiutām atselj di aclo tra s-nu sh-chearā...

Aoa, niscāntsă di voi, armānjli dit Romānia yin cu ună notsiuni tsi poati s-hibă alitheia / corectă dimec cā politica tsi u featsi statlu romān di la Cuza sh-pānā tora ninti di comunishtsă dimec tra s'dishcljidă sculiili aclo

iu băna armănjli, tu Amirărlja Nturtsească, licee, pântru soni nu adusi hăiri a armănamiljei cătse nu-fciorlji anvitsats nu vrea deapoa s-armănă ti totna aclo. Nu featsi altutsiva: mashi ascoasi niscăntsă nvitsats cari nu sh-avea loclu aclo, sh fudzea tru Romăni. Io earam dus aclo, tu Pindu sh tu Makidunii, ma multi ori, tru locuri iu băneadză sh-tora aushlji armănj cari-nj pirmitusea că ma s-inshea di la liceulu romănescu di aclo cādu sh-fătsea serviciul militar tu Gărtsie, eara nyrăpsits aclo analfabets. Tsi va s-dzacă un armănj cari dit patriotismu romănescu fătsea shcoală românească aclo eara bun mashi ti emigrari tru Romănia. Dimec minduescu că naima bună politică vrea s'hibă s-lă adrām sculii aclo ama tu limba armânească naima ptsân până tru ilichia di

liceu sh-deapoa s-lj nvitsām tru romăna nord-dunăreană. Cătse nu avea nitsi ună furnje sh-ma multu eara niufilisor tra s-lj scutem dit locurli iu sh-avea arădătsina. Dupu tsi că tuti statili tsi s-avea fundată di cara s'asparsi Amirărlja Nturtsească apofasili ti sculii adusiră znje ma mari tora, că tu kirolu a turtsāloru afla

akicāseari. Gretsli vrură s-lj-adarā grets, albanezli, sārghili trādzea cātă elj, ta s-lj tuchească tru a lor milets. Shi pi anarya, anarya atseali nuclee / fari di armănj tsi nica eara tru bană di suti sh-suti di anj ahurhiră ta să scadă până aproapea chirură tru dzālili di ază. Mi dush dauă ori Metsovo, a curi armănjilji lj-spun *Aminciu* shi duchii idyea catandisi tu cari eara limba provensala 50 di anj ninti, dimi cu aushlji tsi s-ascundea anda zburam armăneashti. Anda mi dush aclo ca un nicunuscute, un

xenu, ālj videam că tătsea, eara ndoi aushi ningă bisearică tsi zbura un alantu. Mi videam că tritseam sh-atumtsea tătsea, ti elj earam shpionlu grec vahi. Cādu mi cunuscu atsel di ma ninti primar, un di Metsovo tsi avea vinită tru Romăni ti studii, avea agiumtă primar legionar Băneasa, deapoa fudzi Germanii. Cum s-featsi di s-turnă Metsovo shi nu lu-stipsiră că fu ma ninti legionar, fudzit tu Germanii, sh-fu chiro di 15 di anj primar Metsovo? El mi ashtiaptă aclo cu bratsāli disfapti sh-mi priimnă pisti tut sh-lă spunea alāntor: "*aestu easti di fară armânească*". Sh-dināoră aushlji s-disheljisiră,

earam di a lor, aushlji zbura un alantu mashi armăneashti. Doilu bārnu dimi atselj tsi eara tu lucru cum să spuni la noi tora, zbura gärtseashti tută dzuua. Ma dealihea că zbura multu ghini shi armăneashti. Vahi serli tru strozmă cu muljearea zbura nica armăneashti, cu afendi sh-cu dada idyea. Ficiuritslji di 15 di anj achicāsea, ma numata zbura. Tsi va s-dzacă ia tu ună di ma mārli hori di armănj dit Gărtsie shi iu avea mashi armănj, tora preayalea, ayalea cher. Cādu prota oară io nu shteam cari s-caftu anda agiumshu aclo mashi mini,


ma nu zburam dialectul sh-anda mi priimnam prīt cāsābālu atsel njic, ved ună firmă "*O Vlahos*". E, maca aestu shi spuni pi firmă "*O Vlahos*" va s-dzacă, nu-lj easti arshini că easti vlah sh-intru aclo shi ahurhescu să zburāscu pi romăneashti shi atsel dzātsi: "e, e armănj". Sh-dzacă armănj, romănj. Sh-lu ntreb: ari sh-altă vlahi aoa? Sh-dzātsi: "tuts, tuts". Ti el tut cāsābālu eara vlah...

E, problema ma lae easti că ma s'hibă di noi nu cāftām tra s-lă bāgām zori / s-lă cāndāsīm a gretslor a

arbineshlor, a vārgarlor, la tuts atselj pri iu băneadză grupuri di armănj tra să s-nveatsă armăna tru sculiili primari, armăna va s-heară ti totna dupu dauă trei bāruri. Aestă easti ună traghedie la cari am minduită ma multi ori. Tora voi nica să spun că cilăstāsii, s-nyrăpsescu Paris deadun cu altsă istorits, Cicerone Poghiric mari romanistu, cu Petre Năsturel bizantinistu, cu Matei Cazacu, n-adunām vāră 5-6 shi nyrăpsim ti prota oară ună carti tru limba franceză "*Les Aroumains*" cari nu easti multu arhundă, easti ună carti di 250 di frāndză, ma easti ună tsi spuni obiectiv tută istoria a armănjilor până tru chirolu di ază, tru franceză. Fu apirdusă sh-tu limba romănj la Fundatsia Culturală Romănj. Deapoa, la Institutlu Nicolae Iorga tu limba franceză, dimi revista frantsuzească a Institutlui N. Iorga tu 1991 tipusii un lungu articol ti Kekaumenos, aestu cronicar bizantin tsi easti protlu tsi zburashti ti armănj multu slab, cătse eara guvernator pri aclo shi nu s-avea achicāsită ici cu elj, ama eara un caz interesantu cătse istoriografia romănj lo ti bun un lucru tsi lu-spuni sh-tsi easti aberantu. Dimi spuni că aeshtsă armănj suntu atselj di ma ninti daci shi suntu vinit di aclo. Di la elu loară ideea istoritslji romănj tsi au spusă că armănjilji suntu daco-romănj tsi dipusiră cātă sud. Io scosh tru migdani că easti ună mari alatusi. Shi easti ti ciudie shi spunu aestă tu ună mari analiză a mea a textului al Kekaumenos, că el eara didip mintit di ună alti carti, al Dio Cassius, tsi tru un rezumat alātusi di spunea aclo ti alumta al Traian cu dacilji că dacheanilji taha avea fudzită tru locurli iu băneadză tora armănjilji. Easti di dipu aberantu / niāntimiljeat, dacheanilji nu zbura romăna, easti limbid cum u aspusi Cicerone Poghiric. Armănjilji s'amintară di cara romanilji, cu 200 di anj ninti s'intră tu Dacii, ahurhiră s-acatsă Dardania, Macedonia, colonizară cabaia regiunea strateghică di Durazzo până Constantinopole, cu treatsiri prīt Sārună - a curi romanilji nu lj-dzāsiră Salonic, ma ālj dzāsiră *Salona*. Salona agiumsi pi armăneashti *Sārūna*. Ună spuneari tsi va s-dzacă dimi că atselji oaminji suntu aclo di totna, nu suntu vinit dit nordul ali Dună. Sh-ma multi numi di hori, Băiasa, Sārūna suntu probi / dovezi că aeshtsă armănj suntu clirunomi a colonishtsālor romanj di la anlu 140- 150 ninti di Hristolu. Dimi cu 200 di anj ninti di dauli polimi tu Dacii. Dimi tută aestă romanizari globală dit atsea di ma ninti Iugoslavii, dit Vārgăria dit Nordu, dit Dacia adră tru bitisita a Etāljei di Mesi ună totalitati sh-mash istoria lj-ampārtsă ti totna anamisa di nordu / shi sud / . Să spunem că azburāmu ună limbă apukeată, ma nu him ună natsiuni. Tuti nsimneadză / vor să spună că atselji tsi yin aoa dit arada a armănjilor s-duceşcu ună sh-ună armănj sh-noi ālj luyursim romănj, nu pot s'hibă minoritari. Ama s'nu cāftām că atselj tsi armasiră tru Gărtsie tru Albanii suntu romănj di a noshtsă. Nu suntu romănj di a noshtsă. Să-lj-alāsām s'hibă cetătseanj tinjsits a cafī unāljei vāsilie iu băneadză, ama s-dām calī ti tsānearea a limbāljei. Aestu lipseashti s'hibă scupolu a nostru.

(Conferintsă tricută pi armăneashti di L.L.)

UNĂ CARTI STUR TI CULTURA ARMĂNEASCĂ



Di nafoară sh-di nuntru

Daima cându unu armănu zburashti ti istoria armânjloru andămuseashti idyiu cheadicu: âlj easti zori s-hibă aratsi, obiectiv. Daima cându unu xenu angrăpseashti istoria a armânjloru ari unu ambodiu: âlj easti zori s-intră tu chealea a armânjloru.

Ti atsea easti ananghi di unu omu cari s-hibă tu idyiu chiro di nafoară sh-di nuntru. Theodor Kahl easti unlu di nai ma undzitslji oaminj tsi s-angrăpsească ti armânj. Easti di „nafoară” di lumea armânească (ghirmanu tsi bănează tora Afstrie) ama tu idyiu chiro di „nuntru”: ansuratu cu ună armână (Marilena Bara), zburashti, cântă, gioacă armâneashti ma ghini ca multsă armânj.

Theodor spudăxi geografie, limbi slave shi bizantinologie. Alăgă cu ciorlu aproapea tuti locurilji iu bănează armânj. Adră suti di interviuri cu armânj atumtsea anda shi-adră teza di doctorat tu 1999 [*Etnitsitatea shi asprândirea a Armânjloru tu Evropa di Not-Dată (Sud-Est)*]

Unu omu disheljsu, cu ună minduiari modernă, durut ti Armăname ama tu idyiu chiro unu omu cu nutrită critică. Tuti aesti hări l-agiutară Theodor si scoată tru migdani texte di mari simasie tră Armânj. Niscănti di aesti articoli alănciră anlu aestoa la Editura Tritonic, Bucureshti.

Hăirea a cartiljei

Suntu multu psăni cărtsă tu limba română, ti armânj, tsi nu sunt angrăpsiti ideologicu. Cartea alu Theodor easti ună di eali. Ună mutreari ancărfusită s-veadi nu mashi la armânj tsi s-luyursescu românj mea shi la atselj tsi s-luyursescu mileti ahoryea. Eara ananghi di unu omu s-nă scoată ditu ancărfusearea a noastră. S-nă agiută s-videmu cum easti armănamea adză. Tsi minduescu armânj tsi bănează tu alti locuri. S-videmu problemili a noastră, s-

azburămu ti eali shi s-videmu tsi nă leagă.

Ună provă di provincialism culturalu easti atsea că atselj tsi zburăscu ti armânj nu suntu axi s-easă ditu cândăserilji a loru. Stillu alu Theodor easti descriptiv. Elu zugrăpseashti teoriili ti tadi ică tadi problemă ditu istoria a armânjloru. Părăstăseashti provi pro shi contra. Shi easti axi s-hibă imparsialu. Di multi ori dzătsi că nitsi nu easti ahātu importantă apandisea la ună problemă tsi adutsi căvgă tu armăname.

Paradigmi (urnechi):

Suntu armânjli românj? Ică grets? Ică mileti ahoryea?

Nica tu teza a lui di doctorat Theodor zburashti di ligătura vârtoasă anamisa di loclu iu bănează unu armănu shi conshtiintsa a lui etnică.

Tu Grătsie multsa armânj s-luyursescu elini (nu grets). Tu eta 18 greaca eara limba a emburiloru tu Balcani. Ti aestă furnjie multsă armânj tritsea ti grets. Multsă armânj si-alumtară ta s-hibă adratu cratlu grecu. Multsă armânj avuts deadiră părădz ti adărăminti culturali ditu Athina ică alti locuri grătseshtsă. Achicăsindalui aesti lucruri putem s-uchimu pirifanfea niscăntoru armâni ditu Grătsie tsi dzăcu: „cum s-poati s-nă luyursească cariva minoritati? Noi adrămu cratlu grecu!”.

Niscănti ori identificarea cu elinismulu si-adară ca ună apandisi ti atselj tsi-lj luyursescu armânjli ti oaminj niplichisits, nipulitipsits.

Cu tuti că multsă armânj ditu Grătsie s-luyursescu elini aesta nu poati s-hibă ună provă ti etnogeneza a armânjloru (identificarea easti ună shi arădătsina easti altutsiva). Prindi si-adăvgămu aoa că ti multsă armânj ditu Grătsie, limba easti unu cheadicu ti identificarea cu elinismulu shi ti atsea u alasă. Multsă shi-alăsară limba că tse duchiră că tu eta 19-20 avură mări bilei ti ea.

Armânjli tsi s-luyursescu ti românj ufilisescu argumentul lingvistic: dauli limbi (armăna shi romăna) sh-undzescu multu shi aesta easti ti elj ună provă că easti zborlu mashi di ună mileti.

Minarea di xanadishtiartari a armânjloru alănci tu diaspora, alargu di locurilji iu elj suntu autohtoni.

Tsi capitoli sunt tu carti?

Protlu capitol limpidzashti terminologia ligată di armânj shi ună prilipsi ti nai ma importantili problemi ditu istoria armânească. Dheftirlu shi dzatirlu capitolu zburăscu ti limba armânească, protili cărtsă pi armâneashti, cum creashti limba armânească adză.

Treilu shi shasirlu capitolu zburăscu ti identificari shi identitati tu lumea armânească. Tsintsirlu, shaptirlu shi capitolu noauă sunt xităxeri (cercetări) di teren tu Zagori,

Văryărie shi la vlahilji meglenits ditu Turchie.

Opturlu capitol easti ti muzica shi joclu armănescu. Aclo si-află ună apandisi ti atselj tsi dzăcu că tuti cāntitslji armăneshtsă suntu apidusi ditu alti limbi.

Capitollu 4 zburashti di apridutsearea tu grătseashti adrată di Thede ti ună carti monumentu ti armănj: **Die Aromunen** [*Armănjli*] di Gustav Weigand. Aoa videmu ună paralelă interesantă. Weigand fu cātuyursitu sh-tu România sh-tu Grătsie ti cārtsăli a lui tră armănj. Cătiyursearea yinea di la natsinalishtsă. Easti unu fenomen general tsi tsăni di shubeili tsi li au oaminjlji ti unu anvitsatu xenu tsi spudăxeashti bana a loru. Shubeili suntu ligati di cari pāliti xităxerilji sh-di sinferurilji tsi shedu dinăpoi. Unu conspiratsionistu nu pistipseashti tu perieryia (curiozitatea) shtiintsifică.

Aesti shubei urdinară ti Weigand cum urdinară shi ti Thede.

Capitollu ditu soni easti ună bibliografie ti armănj shi meglenits. Aoa ducheshtsă shi fântănjli tsi andrupără xităxerilji alu Thede. Bibliografia easti comentată shi aoa duchimu unu Thede niscănti ori shicăgi, pizavencu. Easi tu migdani armănlulu ditu Thede.

Averuri incommode / ambudyisitoari ti armănj

Armănjliji fundamentalishtsă va s-ghivăsească niscănti lucruri va-lj cārtească:

- 1) Atselj tsi alumtară nai ma vārtosu ti lipidarea di limba armănească fură armănj.
- 2) Asimilarea armănjloru fu niscănti ori adrată cu zorea ama di nai ma multi ori s-featsi di furnjia a armănjloru: ti ună ma bună thesi, ti furnji economitsi, ti sinferuri, ta s-ascapă di unu gaile.
- 3) Meglenitslji nu suntu armănj. Easti ti hazi cā niscăntsă armănj luyursescu limba meglenită unu dialectu ti limba armănească. Meglenitslji suntu băgats tu aestă carti cā tse tu atselj 150 ditu soni avură idyea bană shi idyea miră cu armănjli. Shi ti atsea cā Thede Kahl fu atselu tsi-lj află tu Turchie tu 1997 vlahilji meglenits musulmani fudzits ditu Nănti la anlu 1924.
- 4) Sărăcăceanjlji probabil cā nu suntu armănj grecizats. Nitsi suliotlji nu eara armănj. Mari parti ditu eali zbură arbinusheashti.
- 5) Vlahilji tsi bănară tu amirăriljea a fratsloru Asan nu eara armănj sh-nitsi romănj. Eară ună lumachi di romani balcanici. Diu pirifani sh-ti volea ti unu mari tricuit, armănjli shi romănjli ālj luyursescu aeshtsă romani balcanici ditu soia a loru.
- 6) Ligătura anamisa di machiduneanilji alu Alexandru shi armănj nu easti ahātu sigură cātu voru armănjliji s-pistipsească.
- 7) Statistici ti armănj: 300.000 di armănj tu Grătsie (mashi 100.000 suntu nica nicuchiri pi limbă). Tu Arbinushie suntu ma multu di 100.000 armănj iara tu

FYROM vāră 25.000. Tu Văryărie băneadză vāră 3000 di armănj (nu ma multu di 5000). Tu Romănie, la catagrafia ditu 2002 fură angrăpsits 25053 di armănj shi 1334 macedortomăni. Numirlu a loru easti ma mari cā tse tu anjlji 1925-1940 viniră ca la 30.000 di armănj. Numirlu a atsiloru tsi nica zburăscu armăneashti tu Evropa ditu Notu-Dată nu easi ma mari di giunitati di milion.

Critici

- 1) Cā tse editorilji vrură sā scoată tu migdani cartea la Pănăyirlu di carti Bookfest ditu bitisita alu Cīrisharu 2006, Bucureshti, elj s-ayunisiră ma multu dicātu lipsea. Ti atsea suntu nica alathusuri tipografitsi, gramaticali sh-di limbă romănă.
- 2) Eară bună ună altă numă ti aestă carti. **Isturia armănjloru** dutsi cu mintea la ună părăstăseari cronologică ti istoria armănjloru. Cartea alu Thede easti ună colectsie di articoli ti armănj. Shi Thede avu tu minti ună altă numă, *Articole / pagini din istoria shi cultura aromănilor*. Editura apufusi ti numa **Istoria Aromănilor**, di furnjii comerciale vahi.
- 3) Achilleas Lazaru easti unu authoru tsi axizeashti s-hibă criticatu ti atsea cā di multi ori easti unu ideologu ama Thede, di multi ori, lu critică multu agresiv.

Ună carti stur ti Armănami

Thede ālj agiută multsă armănj si s-toarnă cātă arădătsinjlji a loru. Pritu excursiili andreapti di elu tu locurilji iu băneadză (bănară) armănjliji, pritu textili angrăpsiti di elu (sh-pritu aestă carti), pritu joclu a lui (pareia „Pilisterlu” avu multi te-a anvitsari di la elu), pritu atsea cā nă scoasi tu migdani tu lumea academică, Thede, la 35 di anj, intră chiola tu istoria armănească.

Cartea tsi ishi tora tu migdani easti ună carti stur ti cultura armănească cum sh-ti armăname. Ti atsea cā easti multu documentată ama sh-multu yie, ti atsea cā yilipseashti armănamea di adză (ca tutu, nu mashi pritu niscănti cumăts ditu ea), ti analizele antropologice părăstăsi, ti turlia modernă tu cari easti angrăpsită.

După **Chestiunea aromănă** alu Max Demeter Peyfuyss alăncită Romănie la anlu 1994 (cartea fu părăstăsită prota tu Afstrie la anlu 1974), cartea alu Thede easti ună bună apuhie ti ună părăstăseari obiectivă a armănjloru.

Alexandru Gica

Tinjisits armănj,

Tu aestă oară cât mi turnai di Andon Poci iu s-featsi prumuvearea a CD-lui cu folclor armănescu dit aestă hoară.

Tu restaurantul al Chita Bashu, si adunară la sâhatea 12.00 ază, mults armănj, di toată bārnil, mul'er, bār bats, ficior feati, ficiurits di la shcola a hoaril'ei.

Prumuvarea ira organizată di Sutsta Armăneasca di Ghirucastru.

Ira vinitis profesor Thede Kahl cu nicuchira a lui Maria Bara (Kahl), STACIONUL MOBIL DI TELEVIZIA GALATS, ira Primarul a reghionul di Ghirucastru domnu Resul Llogo, directorul ti nvets shi culturîa a ashtilui reghion domnu Vasil Muka, primarul ali Comuni domnu Foto Jana, primarul a hoaril'ei domnu Vasil Bashu, poetsiă Spiru Fuchi shi Manol Bashu; di partea a armănjilor di Elbasan Andon Hristo, sh a.

Ninti s-ahursiască prumuvearea tuts avdzără sculats mproshts himnul natsional a armănilor "Dimandarea Pārintească", cântat di corlu armănescu di Paris, pitricut di Ing. Jancu Perifan, tu Cd a lui "Tra Armănami".

Primarul a hoaril'ei, domnu Vasil Bashu, deapoa profesor Rrapo Capurani azburără ti importantsa ashtilui CD. Ti personalitatea al profesor Thede Kahl zbură Andon Hristo, domnu Thede Kahl zbură ti lucrul fapt ti CD cu folclor armanescu dit hoarea Andon Poci. Ti lucrul la Cd zbură shi doamna Maria Bara (Kahl) cu a l'ei mushata armanasca cai l'i sculă mproshts cu harau partitsipantsia dit salla.



Salută domnu Resul Llogo, domnu Vasil Muka. Feati armăni la dediră a oaspitslor tumbi di lilice adunati dit uborli a lor mushati.

Dapoea gruplu cântă cantitsi dit aestu folclor.

Tu melodiili sh-cântitsli mushati tsi vāzea tu salla sutsata armăneasca shi Comuna ashtirară un mushat prandz armănescu.

Tora seara harea continueashti ti harau, cā oaspitsja nu l'i alasara ta s-fuga di aesta hoara.

Ligatura ali hoari "Andon Poci" cu Fundatsia "Tsigara Samurcash" va s-continueasca cu alti activiteturi.



CD easti adărat en colaborari cu Muzeul "Tsāranului", Fundatsia "Tsigara Samurcash", Ministriul di Externe ali Romānii.

Comentarii di muzicologii sânt adărat di doamna Sperantsa Radulescu.

Programul di Tv Galatsi, tu Arbinushii deadi hābari ti aestă seară.

Ira vinită un echip di la BBC, shi un echip di la televizionul no-public "Top-Chenal" di Tirana.

cu tinjiseari:

Andon Hristo

4 di Andreu 2006, Elbasan

Y. C. BARBAROUSI,
Yishtiari cu caduri di Blatsa, Sărună, 2006

Yianni Barbarousi scoasi tu migdani ună multu musheată carti cu caduri ditu hoara armănească Blatsa, cāsăbă di Cojani, Gārtsii.

Cartea ahurheashti cu protuzboari alu dl. Mela Yiannioti, presidentu la Intersalonica (*asigurări*), cari deadi shi părădz ti tipuseari, shi-alu Yianni Barbarousi, cari adună cu multă vreari tuti aesti interesanti caduri ditu hoara a lui di-amintari (fr. 7-15).

Cartea ahurheashti cu caduri ditu hoară(fr. 23-41) : cumu eara vārchiro sh-cumu easti adză, cu băserits (Ayi Marcu, Ayiu Nicola, Ayiu Yioryi, Ayiu Iliia), cu mănăstiri (Ayi Dimitri, Ayiu Pantilemona), cu sculii sh-monumenti (statuili alu Yianni Farmaki, mecenanji Steryio shi Nicola Dumba, Sina, Musicu, Const. Bellu ica Belliu, profesor Anton Keramopulu shi-atsiloru tsi s-alumtară tu-alumta macedoneană).

La frāndzāli 43-68 putemu s-videmu musheatili casi di Blatsa cu udadz zuyrāpsits, cu vitralii, cu portselani di Vienna. Ama aclo iu s-veadi hoara armănească easti la frāndzāli 69-96, iu videmu chilinji di multi turlii, lambi di Vienna, ghiumi, manganlu, tăvadz, tingireadz, cāzānji, moară di cafe, dulapi di cafe, havanji, panacoti, shutsală ti pită, cālpātoru, scafă ti pāni, butili ti yinu, sārmanitsi shi-alti.

La frāndzāli 97-116 putemu s-videmu stranjili di pasa dzuă sh-di sārbbātoari (portu di nveastă, di yrambo, portu muljirescu shi bārbātescu, poali, fustānji, tsipunji).

La frāndzāli 117-132 videmu tsāsutili la arāzboiu (chilinji, vilendzā, tendi, dodz), ama shi chiaptini di lānă (lānară), cicrică, furcă...

La frāndzāli 133-146 suntu caduri ditu bana picurārească (di la pāshteari, di la stani, di la cāsheari, di la tundeari, di la strungă), cu manuri, udu, cashu.

La frāndzāli 147-164 videmu adetsli di Blatsa ică «adutseri aminti», cumu anyrāpseashti Yianni Barbarousi. Tută bana armănească cu pānāyiri, cu

culindi, cu Ayiu-Yianni, cu Corlu Mari, cu Lazarlu, cu bubuna (Dumānica di Preasinji), cu aliagunji (Duminica a Pashtilui), cu piti sh-cu culats di numtă.

Cartea bitiseashti cu caduri (fr. 165-174) iu videmu hoara Blatsa di-adză, ca tsentru di turismu.

Y. C. BARBAROUSI
Blatsa. Hoara istorică Vlasti ditu Makidunii,
Sărună, 2006

Yianni Barbarousi scoasi tu editura «Erodios» unu musheatu albumu cu caduri.

Cartea ahurheashti cu protuzboari a profesorului di Academie shi prezidentu la "Etairia Makedonikon Spoudon", dl. Constantin Vavusku sh-a profesorului universitaru di glossologii, dl. Nikola Katsani.


Albumlu ari 364 caduri vecłji, cu cari s-pārăstăseasti hoara Blatsa di-aeri shi adză, băserits, sculii, oaminji cari s-alumtară tu mārli-alumti ditu Gārtsii, oaminji avuts cari deadiră tută avearea-a loru ti-crishtearea ali Gārtsii, *Blaciots* cari bānară tu tuti vāsiliili ditu Balcanu (Sārbii, Avstriei, Rumānie, Ungarie), adets shi ma mārili sh-interesanti fumelji.

Cum dzātsi dl. Vavusku «**Blatsa easti miniatura ali mari Moscopolu...** cari eara tu-anljii atselji vecłji, capitala spirituală shi arhundă a Gretsismului tu peninsula ditu Aimos».

Domnulu Barbarousi, cari multsă anji adună tută aestă aveari fotografică, cu aestă carti «nă da ună panoramă cu materiali istoritsi shi polititsi ti bana shi ti cultura alishte hoari», cumu anyrāpseashti dl. Katsani.

Dauli cārtsă putets s-li-aflats la Librăria «Aristoteleio» (calea Ermou nr. 61, Thesaloniki), Tel. 0030-2310-282782.

texti di la BLACIOTLU



GHERGA



- CUM ȂNVEASTĂ, NU SHTII ta s'fats ni pāni, ni pită ?

- Aisti fură protili zboară tsi nji li dzăsi soacra meu luna di nveastă.

- Cai va facă tora pita tseau dultsea cā nunu sh soia va yinā astară...?

- Pironi nj cādzură zboarăli a ljei.

Mama meu mi băgă unoară ta s'frămitu, ma cādu nj dzăsi cā li ducu bushirili ca vāră ursă, mi acătsă yinatea sh fudzii ditu cāpisteari sh nu mata vrui s'frămitu vloară, ma soacra meu avu multă arăvdari cu mini sh mi nvitsă ta s'facu dit tuti. Avui mari cāsmeti cu iia.

Aveam nă soacră multu nicuchiră sh mintimenă. Eara vuryară, ma la zboru sh la huzmeti li antritsea tuti armānili di lichia a ljei. Zbura makiduneashti ma ghini di ună armānă. Eara analtă ca vāră capidană, cu ochilj verdză scāpiroshi, cu mearili tutu roshi, cu shamia ligatā pi sum coadi sh cu pudyeaua dininti, nu dzătsea vāru cā-i vuryară. U aclima Gherga, dipu canda atselu cai ālj deadi numa mutri ninti la ochilj a ljei gherdză. Tsi pită, tsi pāni, tsi topchi fătsea iia! di ts yinea sâ-ts mātš mānili di buni tsi eara.

Mi nvitsă sh mini ta s'facu di tuti sh cātu ghini nj acătsă! Prota oară cādu feciu pāni, ālj dusi ună cumatā sh ali mami shi ljdzăsi:

- Ia, mēcă tora pāni faptă di ura!

Mama nu pāstusea dotu cā mini putui ta s'facu pāni ahātu bună.

Altuoară mi nvitsă s'facu pită makidunească sh vuryărească. Iia mi nvitsă cum s'tsān shutsala tu mână shi s'tindu peturi ca fuitsa di tsigari.

Ānj dzătsea totāna:

- Nveastă, i ghini ca sâ shtii s'fats di tuti. Ma s'nu-ai vloară icitsiva n casă, mashi nă mână di fārină, va sâ shtii ca ditu atsea mână s'tsā satori fumealja.

Earam giamitā sh nu shteam s'facu multi lucări, ma iia mi nvitsă di tuti sh cātu ghini nj acătsarā anda iia nu mata fu sh cāshoara armas pi mână meu.

Iia nj acrisu sh doli ficiori. Viniră unu după alantu, eara njits sh mini nu puteam s'lasu lucru. Mi nvitsă s'lă facu banji, sâ ljdzăsi portu lats, sh mi nvitsă ninga ca astumtsina cādu lāndidza s'nu mi dau cu dealagă la yiaturu, cu discāntitsi sh ciaturi iia ālj băga pi cicioari.

Mini fudzeam tahina la lucru sh tută uzmetea armānea pi capu a ljei. Ta s'poatā s'bitisească tuti lucārli, tsi fătsea:

Aveam ahoryea di casă ună bucătării ti veara iu fătseam mēcarea, pānea, spilam. Aveam sh ună cārvati pi cai stātea cilimeanjli. Tu mur di ninga cārvati avea bātuti dau pironi mări di cai avea ligatā dau pārcāzoani

cu cai liga ficiorlji ta s'nu cadă di pi cārvati. Lă dādea jucăriili sâ s'njiră shi iia āsh fătsea tută uzmetea.

Prota cādu vinju di la lucru sh ljdzăsi ligats, me-acătsă peru, ma soacăr-mea njdzăsi:

- Lasă nveastă, ma ghini s'plāngă elj niheamă tora, cā ma s'cadă di pi cārvati shi s'pată tsiva, mini va ljdzăsi amu pi zvercă tută bana.

Multi agiutoru avui di la iia shi pisti anj cādu cādu la cārvati nu nj angricā suflitlu s-u mutrescu trei anj di dzăli, paradisu bun s'aibă aco iu easti tora.

Ficiorlji s'featsiră mări shi u aduc totāna aminti. Cādu yinu ditu cāsābă ānj da telefon ninti:

- Mamă, yinimu! s'nă fats pită vuryărească cum fătsea muma!

Ljau shutsala sh pudyeaua dininti shi pānă agiungu elj pita i bitisită.

Va vā scriu tora cum s'fatsi pita vuryărească:

Ti ună pită faptă tu siniia di aragaz, va ună giumatică di apă, nă linguritsă di sari sh fārină cātu sâ s'facă unu aloatu ca di pită. Ampartsă aloatu tu tsintsi pārtsă shi s'tindză peturi di pită subtsāri, sâ s'veadă mushumālu pitu eali.

Pruscuteshti foaia cu untulemnu sh cu cashu sārmatu sh adunj peturlu sufri sufri sh u badz tu tāvă. Tindză sh alanti peturi ahātu subtsāri cu shutsala, pānă s'umpli tāvālu. Ninti s'u badz tu cireapu, pi supră tori tsintsi oauă bātuti ghini cu dis di kilu di lapti sh ună mână di cashu sārmatu. U alashi pita tu cireapu pānă rusheashti shi s'coatsi ca di soari – cum dzătsea soacra meuā Gherga.

Pita s'u mēcats sānātoshi !

Maria Ianula

Aprukeaiu la redactsii unu manuscrisu cu poshta. Vini recomandatu, di Cogecalac. Prota lu disfeatsiră niscāntsă membri tsi avea atsea dzuuă adunari, fālcarea Bucureshti di la Fara Armānească. Mi cāftă acasă pi telefoni lali Iancu Mataranga ta sâ nj lja sāhāriki, di la elu aflaiu cā lo hari textulu pitricutu.

Ca armānă tinjisitā, Maria Ianula anzrāpsi prota di soacăr'sa sh deapoa ti dada a ljei. Textili tsi li pitricu autoarea aspuu grailu fārshirutescu di Cogecalac, cu niscānti influentsi ditu limba romānă (ea dzăsi cuptor tu locu di cireap, vahi cātse cireaplu eara nafoară, a cuptorlu easti tu aragaz).

Maria Ianula easti hārsitā cā anyrāpseashti armāneashti, s'veadi di cumu andreadzi textul. Ea cāftă zboară uidisiti shi shtii s'nă aducă tu ureclji nustimada a muabetsloru sh a adetsloru di vāră kiro. Tu bana di cathi dzuuă easti contabilă, isa ca Ilia Colonjia, avdzātu scriitoru fārshirotu ditu Arbinushii. Adună ma multi texti, li pitreatsi la redactsii sh va s'avets sh altă oară miraki s'li adyivāsits.

(Mariana Bara)

FINANTSA RI

ditu deducerea la dărlă (impozitlu) pi amintaticu

Fara Armănească dit Romăni esati un ONG (organizatsii non-guvernamentală) sh lipseashti ca părădzlji ti hărgiurli tsi li avemu ti adrari sã-lj adunãmu pi calea a dărlor shi a sponsorizărlor. Până tora, cathi unu di noi ari agiutatã cumu putu shi cu cãts părădz putu. Vã pãlăcãrsimu pi aestã cali s-agiutats *Fara Armănească* fără s-ascutets ici părădz di-ngepi!

Ashi cumu vahi shtits, antsârtsu sh anu, cathi un dit noi puteamu s-adrãmu sponsorizari di 1% sh di 2% dit impozitlu pi tinjia di cathi mesu tsi fu pãltitã cãtã cratu. Aestã actsiuni u nvitsãmu dit presã, ama nu sã shtii cã shi firmili pot s-adarã idghea sponsorizari. Dit impozitlu (darea) pi amintaticu (profit), nãulu Cod Fiscal aproachi „deduceri fiscale”: maxim 20% dit impozit shi maxim 3% dit cifra de afaceri (*planlu di emburlăchi*). Ma-nghiosu avets shi unã paradiymã (exemplu) di calcul (*isapi*).

Tsi va s-dzãcã aestã deducere? Cã putets s-dats părădz ti ONG-uri, ashi cumu easti shi *Fara Armănească dit Romăni*, dit impozitlu darea tsi tut vrea u dats, pãlteats la crat. Nu suntu putsãnj părădz. Cãftats a „contabililor” di la firmili a voasti s-vã adarã unã isapi shi va s-videts cãts părădz puteam s-amintãmu pãnã tora.

Putemu s-adrãmu shi ma multu! Cãts dit oaminjlji di afaceri (*emburi*) nu au sots romãnj shi pot sã-lji pãlăcãrseascã ti agiutor? Aestu andreptu tsi-l deadi cratlu nu easti ufilisitu icã di alantsã oaminji di afaceri (*emburi*). Easti mari ciudii s-nu adunãm părădz ditu atselji tsi tut va-s ducã chiruts...

Avem nãdia cã di anlu tsi yini *Fara* va-s aibã ma multsã părădz shi aestu lucru s-poati mashi di cara va li cunushtemu ndrepturli sh-va li ufilisim!

Legea 571/2003 republicatã privind
Codul Fiscal

TITLUL II Impozitul pe profit

Art.21 (1) pentru determinarea profitului impozabil sunt considerate cheltuieli deductibile numai cheltuielile efectuate în scopul realizării de venituri impozabile, inclusiv cele reglementate prin acte normative în vigoare.

.....

Cheltuielile de sponsorizare și/sau mecenat și cheltuielile privind bursele private, acordate potrivit legii; contribuabilii care efectuează sponsorizări și/sau acte de mecenat, potrivit Legii nr.32/1994 privind sponsorizarea, se scad din impozitul pe profit datorat sumele aferente, dacă totalul acestor cheltuieli îndeplinește cumulativ următoarele condiții:

1. este în limita a 3 la mie din cifra de afaceri;
2. nu depășește mai mult de 20% din impozitul pe profit datorat

Cazuri practice (sponsorizarea de către persoanele juridice)

1. – Cifră de afaceri: 100.000 RON 3‰ = 300 RON

– Impozit pe profit: 10.000 RON 20% = 2.000 RON

Suma maximă deductibilă ce poate fi oferită ca sponsorizare este 300 RON

2. – Cifră de afaceri: 100.000 RON 3‰ = 300 RON

– Impozit pe profit: 1.000 RON 20% = 200 RON

Suma maximă deductibilă ce poate fi oferită ca sponsorizare este 200 RON

Comunitatea Aromână din România
Fara Armănească dit România
Str. Teiul Doamnei nr.91, sector 2, București, România
Tel: +40-31-1023357 Fax: +40-31-1006624
e-mail: bucuresti@faraarmaneasca.ro

NOTĂ PRIVIND CORESPONENȚA CARO CU INSTITUȚIILE INTERNAȚIONALE

La data de 23.11.2006, asociația „Comunitatea Aromână din România” a transmis un document de informare (Anexa nr. 1) către următoarele instituții internaționale:

1. CONSILIUL EUROPEI:

- Comitetul Consultativ al Convenției cadru pentru Protecția Minorităților Naționale (FCNM);
- Adunarea Parlamentară a Consiliului Europei – membrilor Sub-comisiei pentru drepturile minorităților și tuturor celorlalți membri ai AP;
- Carta Europeană pentru Limbile Regionale sau Minoritare – Directoratul de cooperare pentru democrația locală și regională;
- Comisariatul Drepturilor Omului;

2. UNIUNEA EUROPEANĂ:

- Comisia Europeană – Educație, Învățământ, Cultură și Multilingvism;
- Parlamentul European – membrilor următoarelor comisii:
 - Comisia pentru drepturile omului;
 - Comisia pentru Cultură și Educație;
 - Comisia pentru drepturi civile, justiție și afaceri interne;
 - tuturor membrilor P.E.
- Comisia Europeană pentru Democrație prin Lege - Comisia de la Veneția;
- Centrul European pentru Probleme ale Minorităților;

3. Organizația pentru Securitate și Cooperare în Europa – OSCE:

- Înalțul Comisar privind Minoritățile Naționale;
- Biroul pentru Instituții Democratice și Drepturile Omului;

4. Organizația Națiunilor Unite:

- Înalțul Comisar al Națiunilor Unite pentru Drepturile Omului;
- Grupul de Lucru pentru Minorități;
- Expertul Independent privind minoritățile;

5. Pactul de stabilitate pentru Europa de Sud-Est – membri

Avem convingerea că acest demers poate contribui la o bună cunoaștere reciprocă și la construirea unui dialog eficient, a unui sistem de colaborare între aceste instituții și organizația noastră în vederea obținerii unui sprijin instituțional pentru atingerea obiectivelor CARO.

Costică Canacheu,
Președintele Consiliul Director, Comunitatea Aromână din România

Comunitatea Aromână din România
Fara Armănească dit România
Str. Teiul Doamnei nr.91, sector 2, București, România
Tel: +40-31-1023357 Fax: +40-31-1006624
e-mail: bucuresti@faraarmaneasca.ro

CĂTRE,

Uniunea Europeană - Comisia Europeană pentru Educație, Învățământ, Cultură și Multilingvism

Stimate domn,

Asociația “Comunitatea Aromână din România” (în continuare CARO) este o persoană juridică română de drept privat, fără scop patrimonial, legal constituită în anul 1991 ca expresie a voinței cetățenilor români de origine aromână de a se asocia și organiza într-un cadru instituțional.

Principalul scop al organizației noastre constă în păstrarea și dezvoltarea limbii, a tradițiilor și a întregului specific spiritual și cultural aromân, atât în România, cât și pe întregul spațiu originar locuit de aromâni.

De asemenea, asociația “Comunitatea Aromână din România” are drept scop promovarea și facilitarea contactelor și legăturilor dintre aromânii ce trăiesc în comunități distincte pe întregul lor spațiu originar din Peninsula Balcanică, dar și din alte state.

Asociația „Comunitatea Aromână din România” își manifestă dorința pentru inițierea unui dialog instituțional între organizația noastră și **Uniunea Europeană - Comisia Europeană pentru Educație, Învățământ, Cultură și Multilingvism**. Acest dialog este absolut necesar pentru organizația noastră, întrucât problema aromânilor este foarte puțin cunoscută sau deloc cunoscută în cadrul comisiei dvs.

Dorim ca prin această colaborare să vă informăm periodic despre problemele CARO și despre străduința organizației noastre în efortul dobândirii drepturilor specifice persoanelor aparținând minorităților naționale.

Având în vedere faptul că elementele de identitate ale unei etnii se păstrează, se exprimă și se dezvoltă prin crearea unor instituții de învățământ, de cultură, prin mijloace de informare în masă, precum și prin instituțiile cultelor recunoscute de lege, în cursul anului 2005, CARO a demarat procedura de recunoaștere *de jure* a „Comunității Aromâne” ca minoritate națională și a inițiat, totodată, un dialog cu instituțiile statului nostru. În prezent solicitările noastre se află în dezbatere la Guvern.

Acest demers se află într-un relativ impas, întrucât cadrul legislativ din țara noastră nu instituie o procedură prin care un grup etnic poate fi înregistrat *de jure* ca minoritate națională, exceptând posibilitatea participării la alegerile parlamentare.

Grupul etnic aromân nu a considerat necesară participarea la alegerile politice ca grup etnic distinct, deoarece revendicările sale nu sunt de natură politică, ci de natură culturală - educațională.

Preocupată de situația critică a limbii și culturii aromâne care există de mai bine de două milenii în Peninsula Balcanică,

Adunarea Parlamentară a Consiliului Europei prin **Recomandarea nr.1333/1997** cu privire la limba și cultura Aromânilor își exprima îngrijorarea față de **soarta limbii și culturii aromâne care sunt elemente de identitate ale unei minorități naționale**.

Prin Recomandarea nr.1333/1997 Adunarea Parlamentară recomandă Consiliului de Miniștri să încurajeze și să invite statele din Balcani unde trăiesc aromânii, să-i susțină pe aromâni mai ales în domeniul învățământului, serviciului religios, mass-media și susținerea asociațiilor lor culturale.

De asemenea, prin documentul intitulat **Aviz Consultativ pentru România, adoptat la 06 aprilie 2001 de Comitetul Consultativ al Convenției-cadru pentru protecția minorităților naționale**, în Cap.V – Propuneri de concluzii și recomandări, s-a recomandat țării noastre, cu privire la art. 3 din Convenție, să aibă în vedere consultarea și cu alte persoane aparținând altor grupuri etnice interesate în aplicarea Convenției-cadru. Nu s-a ținut seama de această recomandare și nu s-au purtat consultări cu aromânii în vederea armonizării tuturor intereselor.

Comitetul Consultativ al Convenției Cadru pentru Protecția Minorităților Naționale în documentul intitulat **Al doilea Avis Consultativ pentru România, adoptat la Strasbourg la 24 noiembrie 2005** în paragraful 31 - *Recomandări* din capitolul II – *Constatări pentru fiecare articol în parte*, încurajază autoritățile din țara noastră să examineze posibilitatea includerii în aplicarea Convenției-cadru și a altor persoane care exprimă interes pentru protecția conferită de această Convenție, cu **referire expresă la aromâni**.

În același sens, Comitetul Consultativ recomandă instituțiilor din țara noastră să continue și să dezvolte măsurile de sprijin în vederea **prezervării culturii și identității acestor persoane (aromânii)**.

În paragraful 38 al aceluiași capitol II din Al doilea Avis Consultativ, Comitetul Consultativ arată că nu înțelege de ce **aromânii au fost considerați ca un subgrup al poporului român, care au fost criteriile care au determinat includerea aromânilor în grupul majoritar și dacă aceste persoane au fost consultate**.

Astfel de **consultări nu au avut loc** cu persoanele aparținând "Comunității Aromâne", fiind astfel încălcate prevederile art. 3 par. 1 din Convenția-cadru care reglementează libertatea persoanei de a alege dacă să fie tratată sau nu ca aparținând unei minorități naționale și implicit, dacă să facă parte dintr-un grup sau subgrup.

Cadrul legislativ actual din țara noastră îngrădește aromânilor dreptul de a participa la procesul decizional în ceea ce privește destinul lor ca popor și de a beneficia de măsurile de protecție consacrate atât în dreptul intern, cât și în tratatele internaționale la care țara noastră este parte.

Din această rațiune, considerăm colaborarea cu Comisia Europeană pentru Educație, Învățământ, Cultură și Multilingvism deosebit de fructuoasă, atât pentru organizația noastră cât și pentru instituția dvs, ca organ reprezentativ și protector al drepturilor culturale și educaționale.

Avem convingerea că prin expertiza și profesionalismul Comisiei Europene pentru Educație, Învățământ, Cultură și Multilingvism, CARo va obține sprijinul necesar în demersurile

sale pentru dobândirea acestor drepturi.

Prin aportul profesional al Comisiei Europene pentru Educație, Învățământ, Cultură și Multilingvism și prin recomandările pe care le puteți face guvernului din țara noastră în numele comisiei pe care o reprezentați, ne puteți ajuta în **depășirea impasului în care se regăsește momentan relația instituțională dintre guvernul țării noastre și organizația noastră**.

Având în vedere faptul că instituția pe care o reprezentați are misiunea de a proteja și promova respectarea drepturilor omului pentru toate persoanele, vă rugăm să manifestați interes și considerație pentru situația „critică” în care se află persoanele aparținând Comunității Aromâne din România și să aveți în vedere examinarea unei posibile soluții care să ducă la reglementarea legislației în vigoare din țara noastră, astfel încât să beneficiem de măsurile de protecție conferite persoanelor aparținând unei etnii.

Totodată, ne exprimăm convingerea că prezentul demers poate contribui la o bună cunoaștere reciprocă și la construirea unui dialog eficient, a unui sistem de colaborare între instituția pe care o reprezentați și organizația noastră.

Pentru o înțelegere adecvată a situației prezentate, anexăm o serie de documente referitoare la asociația "Comunitatea Aromână din România" și la demersurile inițiate până în prezent:

- Scurtă Prezentare a Comunității Aromâne din România;
- Vrearea a armânjlor;
- Declarație de principii a Comunității Aromâne din România;
- Raport asupra limbii aromâne;
- Rezoluția Comunității Aromâne din România;
- Manifest al Comunității Aromâne din România;
- Adresa nr. 17/20.04.2005 către Guvern - Departamentul pentru relații interetnice;
- Adresa nr. 965/17.05.2005 - răspuns al Departamentului pentru relații interetnice;
- Adresa nr. 17/9427/06.06.2005 către Primul ministru Călin Popescu Tăriceanu;
- Adresa nr. 55/22.09.2005 către Guvern - Departamentul pentru relații interetnice;
- Adresa nr. 300/15.02.2006 către Guvern - Departamentul pentru relații interetnice;
- Adresa nr. 1154/29.05.2006 către Guvern - Departamentul pentru relații interetnice;

Cu deosebită considerație,

Costică Canacheu,
Președintele Consiliului Director,
Comunitatea Aromână din România

Florentina Costea,
Secretar General,
Comunitatea Aromână din România

Luiza Popescu
creație vestimentară

Vrets s'vã alãixits turlia di stranji sh nu shtits tsi vã si uiduseashti ma ghini? Vrets s'vã agiutã vãrã ti trenduri, s'vã andreagã unu tiparu cari s'vã scoatã tu miidani mushuteatsa, iutsidó?

Io potu s'vã agiutu! Nu mash cu stranji msheati, ama sh s'vã adrats un stil mash a vostu!

Featili armãni cari vor s'lija parti la unã pãristiseari di modã, icã vor s'cunoascã atseali lucrì tsi cathi featã lipseashti s'li stibã:

ti mushuteatsã, ti modã, potu s'afiã ma multi detalii la:

www.Luizapopescu.tk
luiza.fashion@yahoo.com
0728 43 02 43



BIJUTERIA MATARANGA



Hrisiclu Mitruș Mataranga cu nicukira a lui Nora shtiu malama s-u tukeascã... Ti feati fidani adarã: *minghiushi - neali - biligecuri - silivari - pandantivi di malamã* ti la Isozmatã sh-Numtã, adusi di GIONI ica DHOARĂ dati di PĂRINTSĂ!

ADARĂ

- giuvaericadz di malamã di 14 di karate
- giuvaericadz cu mårdzeali scumpi: yeamandu, safiri, opal
- andreadzi giuvaericadz frãmtsã

Aproaki sh malama yixitã isa ti giuvaericadz - pisuprã va s-pãltits mash lucurlu.

TI ARMĂNJ PĂHĂLU MA NGHIOSU
ti neali shi setlu di arãvoanã

HĂNJURI BUCUREȘTI :

- Șos. Mihai Bravu Nr. 388 ningã Rompetrol
Tel. 321 4243; 0722-504243; 0744-504243
- Str. Ion Cămpinenanu Nr.1 aynanghea di Intercontinental
Tel. 314 0039; 0722-502043; 0742-050500

DI MARI SIMASII !

Cari va s-yinã la hani cu rivista **ARMĂNAMEA** i cu fliturlu (cãrtica, unã turlii di cardu) va s-aibã pãhãlu ma nghiosu.

Cãftats-nã aua :

www.sultangold.ro

e-mail: **contact@sultangold.ro**

CASA LIS
IMOBILIARE
IANUȘ STELICĂ
021/322.22.22
0722/55.78.38

CU NOI YISLU A VOSTRU DEALIHEA VA S-FACĂ!

DARI – LOARI, LJEI CU NIKE

CASI SH VILI, APARTAMENTI, LOCURI TI ADRARI CASI, AGRI

ANDRIDZEARI UDAZ AUNDZEARI STIZNJI MOBILIERU
SH ALTI DI AESTA TURLII

URNIMII JURIDICĂ, TI CASI, FINANCIARĂ

Ti ampãrmut: ti ancupãrari casã, cu tinjlea a casiljei,
ti itsi zori cu casa

NU AGARSHITS! DI MARI SIMASIE:

Ti ARMANJ ! Comisionlu easti di 1,5 %, paradz tsi va s-intra tu isapea a FARĂLJEI ARMĂNEASCĂ DIT ROMÂNII
ti agiutarea a andamusilor culturali.

DIRECTOR - Mariana BARA
REDACTOR SHEF - Stelian DAMOV
Pareia di redactori:

Kira IORGOVEANU MANTSU ~~Ion~~ **MIHAILOVA** ~~Andon~~ **HRISTO**

Nicoleta GRANZULIA ~~Tomase~~ **STAMULE**

Scamnu a redactsiei: Str. Vasile Lascăr 26-28, Sector 2; Telefon: 031-1023357; e-mail: bucuresti@faraarmaneasca.ro